


龍
眠
風
雅

卷六十一之六十四



龍眠風雅卷六十一目錄

木厓潘 江蜀藻輯

安福吳 雲舫翁 叅

壻陳堂謀大匡

馬敬思

首一百六十二

馬孝思

首一百二十五

馬方思

十三首

馬日思

七首

龍眠風雅卷六十一

木厓潘 江蜀藻輯

馬敬思

字一公號虎岑司馬正誼公之長子少而遊庠無統袴之習閉戶績學善書畫尤工詩總

角時即有無情最是青銅鏡纔照紅顏又白頭之句見賞于畚山先生邑屋中至今傳之居家孝友從躬端峻慷慨喜交遊于貴顯則落落寡合也中年暇心竺乾往來皆高僧名衲尤善淡溪僧卧病前三日夢緇衣人持簡至曰善知識召汝講經淡溪當同行也比至果見一老僧曰候子久矣速祝髮遂驚寤自度病必不起易簣時語不及私惟以老親遠宦未及終養為恨言訖誦般若經合十而逝家人疾往視淡溪果以是日順世矣非有夙根而何

閨情

妾住大江南君遊大江北相隔未千里何以無消息仰看秋鴈飛雙雙常比翼

妾字君能識上寫

音見屋牙卷三
早歸來下寫長相憶門內無
金不得力自昔郎
別時從未離闌闕每日望酒旗遙以占風色

寄遠

有客來遠方裁書苦不長鯉魚結冰雪剖腹訴中腸寄
我相思淚滴滴血成行開書未及讀化作雙鴛鴦

寄遠曲

腰鎌非不利刈草不斷根妾心非不剛感君一夜恩青
松與皎日誓死君家門君今一去幾時歸妾自織機爲
君衣

打魚行

夾岍桃花水一涯依依楊柳美人家幾時嫁作漁家婦

春去春來水上艤男不耕田女不紡每日江頭捕魚網
郎在船頭試水深女著紅裙自盪槳夜半忽然起風波
舟人擊楫更高歌隔浦篝燈斷復續宛如星宿墜江沱
江流水長魚依藪黃昏牽纜直至西大魚市上換米薪
小魚得錢沽美酒得酒歸來強作懽蓑衣爲被笠爲冠
明朝更向何方去烟雨灘頭把釣竿

畫竹歌

幽人無帽髮常禿芟作雲衣荷作服風塵陌上懶驅車
獨向山中結茅屋家無揚子一丘田日掃瀟湘翠數幅
平常不織亦不耕衣食無營亦自足臨池寫竹若有神
大者衝霄小如鏃何能一日

持來市上換青錢終日行人不
誰肯人間買畫竹

贈張敦復

世人作書多愛肉張子作書能療俗醉中噴墨兩三升
蚤起臨池千百幅魯公善書紙背穿智永嗜草筆頭禿
羲之之後有獻之張芝之後復張旭鍾繇索靖非等倫
世南懷素皆欽服君家古帖滿繩床每日坐觀常閉目
我有尺素薛濤箋乞君數字光茅屋開窓對坐看君書
筆墨淋漓饒起伏縱如歸猿攀故枝瘦如孤鶴凌羣鶩
微如石澗瀉清流振如秋風掃林麓媚如美女臨風整
素衣勇如鐵騎當關獨馳逐古釵屋漏俱有情見者都
忘寒與燠書罷不知春草綠嫋嫋餘風動新竹

江寧古寺羅漢歌

南朝古寺遙相望半是梁唐經手創金釘玉瓦鬱差栽
翡翠珠簾垂甲帳殿中伽佛靜無言大士觀音空色相
粉壁長廊數十間畫徧三千羅漢狀問誰手筆最能工
傳說貫休爲宗匠强者怒目更張拳慈者觀心持竹杖
老者眉拖尺二長少者面似芙蓉放降龍伏虎各飛揚
或背或面各相向我聞繪事須繪神不在葫蘆只依樣
有時海變與山移何處尋君辨真妄

題陳遐伯古松歌

我聞京師報國松霜皮鐵幹如虬龍蟠根屈節非常態

音耳風雅卷之二
上下恒見白雲封以爲造物真奇絕不與凡葩鬪花葉
滄桑閱盡幾興亾兵火猶存飽霜雪每恨不得帝京遊
欲摩挲之却無由陳生聞我長太息脫衣大叫天欲秋
呼童研墨方一斗秃筆狂揮用左手冰紈數丈勢縱橫
虎踞龍蟠驚怒走中堂高挂六尺寬過客遊人爭住觀
看者徘徊不忍去彷彿微聞濤聲寒畫者得神體亦具
乾皴濕染潑烟霧試與兒輩詰其名無人不道是松樹
傍邊怪石更玲瓏蒼苔數點濃復濃惟愛炎天六月半
我將坐卧其下受松風

風夜懷吳惟子山居

秋杪風尤惡懷人此夜濃晚禾吹落實山葉苦無容半

榻寒 孤窓遠送鐘杜陵茅屋在捲去已三重

玉屏上人歸自匡廬以茯苓雨茶見貽賦贈

久住匡廬淨山雲滿袖歸茯苓供藥椀笋箬裹茶衣鐘
冷鹿門夢花殘雞樹暉偶來松下坐枝作塵談揮

送澹然上人南下

叩門旋作別買就秣陵船九月袈裟冷三吳木葉天寒
江落僧影霜夜逼人眠相送無相贈新詩待我傳

贈竺怡上人

破衲補秋林柴門閉夕陰孤吟行脚苦瘦骨坐禪深愛
竹常封徑看花許借衾好山當此夜爲我一彈琴

僧善琴

過畫溪別業

音地風雅卷之二
猶是當年瀑重來曳杖聽水逢秋際白山送晚餘青別
業空啼鳥書窓冷照螢燧僧若箇在指點石溪亭

嘲鵲

方書占鵲噪動卽遠人歸數日頻啼久全家一字稀豈
真欺客慣亦解信君非多少空閨婦停針盼夕暉

隔水

隔水問乘槎銀河一帶沙鴛鴦文字鳥豆蔻女兒花屋
不煩金鑄人還比玉嘉大堤春色好楊柳暗啼鴉

守歲雜感

自學龐居士團團小盡盤酒常隨鍾去經亦帶鋤看素
薄梁鴻熱誰知范叔寒堂前分歲燭忽報一年殘

送吳惟子還山

買宅當溪口山深雲亦深俗書同杖屨採藥荷鋤尋芳
草斷車跡松花覆石陰幽人塵事少流水似彈琴

宜城卽事

宜城三萬戶十載半凋零畫閣蔬爲圃朱門荻作屏烟
波當晚碧汀草出寒青獨上長亭望漁燈亂客星

江邊蘭若

古徑有蘭若溪橋石補柴竹間安客枕花裏曬僧鞵爐
煮分秋水鐘嚴過午齋禪堂初止靜香氣散人懷

晏起自嘲

過知多晏起客至屢空回自信貧無累人言懶不才茶

前集卷之十一
收霽雨淡門閉午時開未了晨餐事催詩索畫來

七夕

每到雙星節常爲兒女情佳期空悵悵河漢自盈盈
婚嫁何年別機絲幾日成細看烏鳥頂毛落未全生

玉屏菴哭惟聖上人

老僧周甲子揮手謝屏峰種樹常棲鶴栽松半作龍
禪堂餘故物靈座想遺容識得西方路還來聽舊鐘

題陳隱士山居

美爾深山靜連宵不掩扉秋潭鶴影瘦霜草鹿胎肥
歲酒先儲甕園絲半在機此中多隱者相識姓名稀

江南夜雨

江南一夜雨深覺海棠愁秋氣先臨水人家半住樓
長鎗新市米老釀碧筒油昨過芳蘅地笙歌冷玉鈎

訪悟空上人

此地疑無寺忽傳山下鐘尋來芳草徑踏徧落花踪
卓錫常驚鶴焚香善呪龍虎溪今夜月聽爾說南宗

歲暮

辛苦一年盡依然舊草堂飛將春裏雪添作鬢邊霜
遇事偏多感醫愁未有方但求新歲稔兵不亂農桑

寄遠曲

南塘雙槳日十里藕花多楚客青衫淚吳姬白紵歌
秋山眉有岫春水臉生波不信留人處翻教喚奈何

哭叔

得叔王家少鍾情太傅深死生如是夢婚嫁未完心契
濶非疇咎幽明便古今從茲林下路無復仲容尋

閒居卽事二首

自從搖落後萬事不縈懷山水託茅屋漁樵愛笋蕨
行憐影獨嘉趣及親偕黃葉孤燈夜蕭蕭吹滿堦
慣作溪南釣清白石潭地深泉亦美水淨酒同甘
選勝依花坐移尊藉草談醉來堪枕漱隨意發幽探

送友人入山得泥字

草閣經時閉山猿失伴啼芟夷沽酒路檢校和詩題
花落收蜂蜜書開點燕泥一灣斜抱水終日石橋西

金陵弔古

佳麗江南地詩成弔古哀一杯桃葉渡萬屐雨花臺
死恨王夷甫生慚褚彥回新亭當日淚流落染蒼苔

田家卽事

野老三間屋茅檐不剪茨入門先叱犬設饌止烹雌
採芡來前渚栽篁補舊籬明年春雨好荒壤盡耕苗

武城

登臨無限意弔古有餘情水退魚梁在秋深鴈字明
如何文學地翻以武城名荒市渾遊徧蕭條誦讀聲

江邨暮宿

暫借鄉人宿邨居省市譁橋通樵採路習識釣漁家
谷

音韻風雅卷之二
口暮逢雨江頭水漲沙夜來風更急吹落隔籬花

贈山中許逸人

小隱碧雲端高懸處士冠樹桑供蘭箔種竹作漁竿欲
雨山窻晦將秋草閣寒別來籬下菊尊酒共誰看

哭李仲山

欲效林宗哭秋原更憐神孟郊無健子李白是詩人帙
草埋孤塚江蘼薦比隣生來貧到老天道果何因

贈黃冠

小築依山麓加餐坐石牀鶴隨雲共白鹿與鬢同蒼客
壘殘棋局人求舊藥方桃花詢往事彷彿憶劉郎

閨情

萬里遼陽戍空閨獨夜情暗燈隨燼落細雨打窻聲粉
黛啼時損羅衣病後輕昨宵曾夢見數語未分明

張齡若得藤杖甚佳作詩志之索和

未老先防噎裁成白玉鳩尋山堪作伴步月與同遊質
較湘妃渚書讐太乙樓未知宣子意能解百錢不

田家

田家原作苦生事一秋強山郭酒旗亂村翁社鼓忙烏
啼楓子赤鴈起稻孫黃自嘆先疇薄豐年未免荒

送朱孺綿南下移親櫬二首

年少辭親早松楸失墓門線痕存密處綿性定奇溫訪
寺迷前路尋隣向舊村已知泉下樂况爾復添孫

知子行應哭江帆起早潮露華摧薤速秋色入蓬驕地
下經三世人間換兩朝魂原還故土不用楚辭招
雨中喜三弟歸里

聞道歸期急思君却更猜客知烏有信人約雁同來布
被多時夢燈花昨夜開柴門三徑在親自掃莓苔

江頭對月

秋入家山夢涼風吹客裳酒分荷葉綠衣惹藕花香河
朔非吾侶江南是故鄉團圓今夜月偏照估人航

舟泊蕪湖

鄉思杳何極迢迢旅客情習懸潮有信風順浪無聲十
里橋邊市三更月下城嚴關無用怒書畫入官征

哭舅氏潘薪孫

憶別古橋頭牽衣上酒樓幾時芳草路一月白楊秋鶴
怨終懷土狐悲欲首丘羊曇今日淚何處是西州

同祝山如遊龍井訪竺公蘭若因留信宿却賦二
首

俗傳三笑意不解俗人聽黃葉正迷路白雲空滿庭琴
生因失譜筆禿爲鈔經一幅佳山水都來入畫屏

不識山僧姓常呼老畫師惜花剛野蔓種竹護疎籬面
對十年壁心空五蘊司懶殘爐裏芋分療鄴疾饑

李未盡先生索山居詩

君姓卯山姓公麟舊有名步隨筇杖健寒愛木綿輕數

前題 兩卷之一
畝供餽粥衰年節送迎只因兒女累婚嫁未忘情

江行即景限青字

野埠漁罾客舟過水亦腥蓼花殘尚紫楊柳冷猶青古
刹分僧火寒槎共客星數峰天際外何處弔湘靈
李仲山至

數載曾爲汗漫遊憐君雙鬢定緣愁到門客至陳驚座
下筆詩成趙倚樓楚澤蘭叢空有怨吳山木葉早知秋
邇來自有江淹夢好寫花牋咏玉鈎

署中別弟

故鄉浪說滄州好到此蕭條即欲還薄宦門庭真似水
過河地勢總無山風催槐葉官郵冷霜落蒹葭卧閣閒

私把萊衣教弱弟承懽代我奉慈顏

晚泊

蓼花初盡雁南飛十月涼風吹葛衣野店鷄豚因客貴
僧房燈火避兵稀相逢歧路何須泣但聽鄉音即當歸
隔岸戍樓鳴夜鼓旅人驚夢到柴扉

贈僧

小隱深居絕送迎偶然留客鬪楸枰庭生蔓草原無種
手植山花應有名虎爲過溪常欲嘯猿知入定不聞聲
袈裟自愛頭如雪懶去江湖卓錫行

喜無可大師歸里門

雨花臺畔送春歸久客還家下令威天地不能容白髮

音耶屋雅卷之二
君王已許著緇衣幾迴蓮社空兼色一任桑田是與非
烏鵲別來尋舊樹遶枝三匝欲何依

遊龍眠經左氏別業

十里黃雲一草廬宛如谷口子真居僧歸月夜常同榻
人對春燈正讀書蕉葉錯疑山鹿夢桃花驚散武陵漁
他年點染公麟筆惟有龍眠畫不如

贈潘蜀藻表兄

石經齋裏好題詩風雅吾鄉獨爾師南阮居常憐北阮
東施人欲笑西施不嫌落魄垂青眼自分無才愧白眉
近日望君何所似儼然天半一峩嶠

東張齡若

不改衣裳不變名依然魯國舊諸生松雲贈客陶徵士
婚嫁留人向子平我欲買山先問壑君能畫水獨成聲
南州一榻容高卧閒倚秋屏看月明

訪李當衡先輩

青衫雙袖兩朝前自築柴扉遠市廛萬劫有情皈大士
十年無病學神仙心中覓句成詩癖老去棲心託畫禪
餘得日長高枕後閒聳秋水馬蹄篇

喜范一范城居

我欲求田愁近市君胡問舍轉居城畏人小築花開徑
將母餘年筆代耕雖說漁樵疎野客免驅鷄犬避官兵
移家覓得墻東地不費招尋日日行

偶題

庭前三徑半成荒
客至無童報草堂
晴檢蠹衣開藥臼
塵移鼠跡上琴牀
病來幸有高僧問
醉卧何嫌少婦傍
瑟瑟霜催紅葉老
不知秋色爲誰忙

贈元白上人

遠公避世不離羣
手種黃精與客分
杖挂一瓶揚子水
足穿兩屐慧山雲
齋從午磬聲中度
葉在寒階定裏聞
向曉數椽茅屋暖
白頭日日負餘曛

讀史

把杯擊箸恨如何
一代興亡自古多
身鵲夜啼荒苑樹
黃牛朝飯舊宮莎
偶逢毛女詢秦事
却憶金人別漢歌

芳草不知亡國恨
春來依舊上銅駝

山行

逶迤山勢獨嵯峨
戎馬從無此地過
春剝笋衣僧飯飽
村傳社鼓醉人多
家家射鹿收新網
歲歲看蠶理舊梭
滿地江湖靡定處
桃源今古一農蓑

晚眺

故國春深犢路斜
夕陽古道水穿沙
一聲初感隣翁笛
十載前爲酒媪家
但見芳洲生杜若
不逢人面比桃花
題詩石上苔痕滿
潦倒青尊看落霞

秋夜飲友人舍得添字

貧家茅屋竹爲簷
不用湘筠六尺簾
初月似睂描漸澗

晚雲如畫色重添烟嵐半染尋山屐書籍頻輸賣酒帘
別後詩情總蕭索錦箋十幅付江淹

同姚揆采讀小青傳分韵弔之

幽閉憑誰寄錦箋明珠十斛亦徒然小姑月冷青溪夜
神女雲歸巫峽天我見猶憐今日句他生難結後身緣
世間薄倖多如此何必貪求並蒂蓮

夜讀方子留詩感賦三首

翩翩年少玉壺冰每念興亡淚卽增南國隕星占處士
西方出世託高僧青衫骸骨歸吾土皂帽秋風挂孝陵
魂去大招招不返首陽山上幾人登

鷄骨長齋可自憐怪君忠孝兩能全渾金璞玉人增價

翡翠蘭苕詩並傳吳市卒歸原隱姓龐公妻在合參禪

世間好事難兼得天與其才不與年

曲笠方袍隨處緣年年灑淚泛湖船有家不惜身填海
無計能將石補天靈運慧來先作佛子真遁去竟成仙

山河妄想口堯禹從此春心託杜鵑

同諸子飲漱石亭分得亭字

載酒餘酣漱晚汀狂歌坐待竹風醒城鐘欲動鷄爭唱
僧磬將昏鳥共聽衣在乾坤諸子白眼留今古一山青
永和他日重修袂指點蘭亭卽此亭

過舊題詩處有感三首

燈火柴門半掩開兒童驚問客重來偶尋舊筆留詩處

已被春風長綠苔彩筆管人曾有夢碧紗今日却非才
傍觀應笑題橋者仍是單衫破帽回

記得行吟柳絮前借君粉壁作花牋半由燕子春巢汗
敢望鷄林賈客傳醉後放歌翻自泣怵中覓句倩人聯
木蘭寺裏詩雖好也被塵封二十年
春去江南百感生杜鵑啼罷故鄉情馬尋青草堤邊度
人在黃鸝樹裏行舊榻未移愁夜漏征衣欲洗趁天晴
自憐身賤無人識縱解題詩不署名

重省滄州署中二首

南望家山送夕暄貧憐兄弟共柴門遺民社裏猶依父
荀淑車中獨抱孫五岳未完婚嫁願三江空憶鱸鱸言

莊生傲世何妨達吏隱仙蹤在漆園

春雨楊花促渡河我來初亦諱田禾舞餘梁月衣生綠
宦隱滄江鬢欲皤世亂靈均憐姊寡家貧令伯媿兄多
今秋穡事猶如舊五斗其如百口何

宿蛟臺僧房弔弘生上人並示其徒天然

欲訪支公過太因素床靈几暗封塵舊時秋草依然在
荒徑殘僧若個貧錫杖姑蘓求慧業
天然從姑天然俗家金陵尚有母在蘓參學回 翠袈裟白
下拜慈親天然俗家金陵尚有母在長卿淪落交遊少自嘆浮生哭

故人

內人三十初度出扇索書

手執冰紈出素懷書殘黃葉亂空堦能依母訓無為好

方信卿言亦復佳厨舍作羹粗麥飯妝臺撩髮舊荆釵
家貧不厭山蔬老何用常餐繡佛齋

贈友人納姬

明珠十斛買娉婷紫玉爲簫白玉屏一寸秋波橫眼碧
半簾春草上睂青暮歸峽內常行雨生小人間便喚星
扶却侍兒嬌不起海棠花下醉初醒

喜晤愚公禹公兩舍弟

桃葉秋深一問津木蘭舟小僅容身帝城花萼懷中夢
故里桑麻亂後親洗馬渡江緣病弱士龍借屋爲家貧
憐君却似烏衣燕縱入高樓亦傍人

同客過舊院有感

朱樓歌舞畫橋邊閒述風流憶少年紫玉千金求管笛
明珠十斛鬪花鈿薛濤亂後多應嫁琴操歸來又入禪
回首舊題人面處絳桃空落院門前

放後謁方正學先生墓

咫尺天威怒不除怪來螳臂却當車遺風自爾懸金馬
葬地誰爲乞玉魚桐葉本枝猶若此桑田異代更何如
身先九死應無恨報得君恩一劍餘

再贈古顏上人

新築幽棲水一涯石橋橋上挂袈裟持來鐵鉢誰供米
化得雲山自種茶生死有因歸貝葉色香難斷是梅花
江湖滿地孤身易但坐蒲團卽是家

過友人別業

探幽夾道暗松篁
流水清清石作梁
山路屐隨牛跡去
樹根衣惹兔絲香
安絃軫上修琴譜
卧病菴中寫藥方
猶記子西詩句好
日閒真覺似年長

寒食前三日送姚彥昭訪何道岑先生黃州

笛吹蘄竹倚高樓
目送烟波感壯遊
地近荆襄原負險
文推屈宋舊悲秋
千行賓客尊前席
五馬風流居上頭
羨却使君吟咏好
相傳猶似在揚州

跪讀陶丘家報

傳聞鬚鬢半如銀
客到方知信始真
老去宦情元已淡
舊來薄畝未全畝
右軍孫衆聊娛目
陶令兒多不救貧

莫怪家書行字大
眼昏燈下白頭人

重陽前一日登投子山

醉採茱萸繫臂間
顧予憔悴鬢毛斑
常年佳節多愁雨
今日先期早看山
特地尋僧逢病起
過橋乞菊帶霜還
秋峰好處都堪眺
何必重陽始一攀

秋夜

消磨豪氣漫憑凌
貧賤交情愛也憎
堂上霜寒懷老佛
靜中形影類孤僧
讀書快意頻呼酒
得句披衣夜點燈
漸覺疎狂無俗事
秋山黃葉一人登

祝山如席上同錢飲光先生夜酌

熟讀離騷夜雨殘
床頭周易共盤桓
鵲從蜀破猶稱帝

松自秦亾懶署官鉢冷瞿曇歸後托詩工摩詰晚年看
草堂幽處梅花發偏與人間鬪歲寒

得方爾止先生書

三載移家桃葉春釣船烟雨芰荷身他鄉白髮驚新長
故國青山依舊貧道上曾逢秦璧使祠前爭泣漢銅人
南朝多少尊官塚冷落高低卧石麟

和蕪關湯玄翼先生石城懷古二首

上皇宮殿碧雲頭憶管繁華夢裏遊賜姓勲臣藏券第
添香侍女曝衣樓洲殘蘆荻空銜月湖冷荷花不耐秋
一曲渡河公竟死新聲彈斷舊箜篌

王氣終殘慘客神樵歌江上孝陵薪金床玉几同朝露
甲帳朱簾捲暮塵天子不修南渡史諸臣誰問北來人
琵琶老妓燈前訴綠柳青蒲對白蘋

舟中即景

雙槩蘭橈獨自乘忽然風雨亂春燈沙汀有警鷗先覺
水驛無夏鷄可憑古樹露根堪繫舫敗蘆垂葉半藏罾
青青柳色龍眠岫勞我終宵夢裏登

江行同友人飲酒肆

幾番零落渡江東買得舟帆未買風紅面蓼蘖如少女
白頭鷗鷺似漁翁晚峯殘照人爲畫霜葉微酣詩更工
今日與君同覓醉青帘橋畔是黃公

贈汪羽年先生

青眼眉牙卷之二
江湖散髮混樵漁短布單衣勝曳裾半榻寒雲眠野寺
一犁春雨動耕鋤瓦甌慣講收茶法場圃頻徵種樹書
除却落花常載酒柴門無事挂柴車
哭四舅父潘根孫
怕向山陽陌上行幾番吹笛病魂驚同年甥舅如兄弟
半世升沉隔死生伯道櫬原無祭主子猷琴亦痛亡情
許多親戚凋零盡哭到郊原暗失聲

懷十洲和尚

三尺蒲團一杖藤坐來說法共傳燈春嵐散作香臺雨
夜月敲開石磻冰山鳥聽經知念佛土人乞米爲齋僧
凡心久戀維摩側欲著袈裟尚未能

寄贈戴東鮮先生山居

買山人笑住山遲如此幽棲好賦詩曉夢慣驚晴鳥喚
世情莫共海鷗疑多栽蕉葉朝臨帖熟摘櫻桃夜賭碁
輸我濁懷塵碌碌何年卜築借隣枝

梅花詩和祝山如二首

雪裏吹香暗裏聞雪飛花散惜離羣根埋古寺依寒石
枝渡橫江亞暮雲南內娣姨蛾淡掃西湖妻子鶴平分
尋常最愛橋頭月茅店烟消帶夕曛

冰散沙堤路未乾支筇潛聽鳥聲殘水雲迷處渾無影
香雪和時可共餐幽性從來輕富貴孤芳原不借欄杆
久聞鄭谷詩情好一字重吟便覺安

煮酒

亂憂歲月付滄浪暫得平安是醉鄉採入菊花添野味
覆來荷葉引新香春衣久典愁無賴夜甕初開色有霜
却怪婦言渾不解劉伶借此示佯狂

冬宵有感

寒葉蕭蕭風滿林愁人當此更難禁窮如有敵猶非極
悲到無聲始是深病裏詩書皆夙業夢中婚嫁亦關心
冬宵那得東方白坐待鳴鷄夜抱衾

江行

孤舟風雨滯河橋解纜船頭繫柳條隔岸燈帘懸酒字
小灣罾步插魚標雞啼野戍時聞鼓鴈哺春雛夜避潮

懷潘薪孫舅氏

嗟君明月獨南飛奔走風塵一布衣家是赤眉殘破後
書無黃耳寄來稀稻粱秋入龍眠坂芳草春過燕子磯
佳麗縱然誇建業邇時消息恐全非

漁家

南浦烟雲水一涯蓑衣盪槳荻蘆花身隨鷗鳥堪爲侶
夢宿汀洲卽是家山暗婦收春網雨潮歸兒弄夕堤沙
得魚換酒橋頭市指點青帘不用賒

李未盡先輩以小像索題信筆應之

近來鬚鬢已成衰此是盧郎年少時陵谷忽隨滄海變
衣冠猶見漢官儀畫中覓畫王摩詰身外傳身顧愷之

音耶屋牙卷之二
卽使丹青無姓字背人摸索也應知

秋風

颯颯秋風葉葉催單衣恹上最高臺乾坤有礙寬猶窄
歲月無情去莫回知負襄陽明主問弔殘湘水故人哀
淮陰漂母楊家妾何事金釵解愛才

江行同三弟限韻

村岍漁翁各有家柴門一道逐江斜竹因土暖多生笋
梅爲春寒尚帶花鳧浴不驚青草渡鷗行常篆白堤沙
遙遙天末迷前路蕩漾東風任小槎

乞竹

地餘爭說竹宜栽逢著山僧乞一回雨後正當渠醉日

閒中相約荷鋤來縱然有肉寧求瘦卽使無花亦愛才
堪笑子猷猶俗寓吾廬雖小足徘徊

惺非上人贈竹詩以謝之

月白沙明何處邨山僧移自給孤園春根雉子當依母
霜籜龍鍾已抱孫此日愛君非借宅他時過客莫題門
青青曲徑欄干外燒得茶鐺當酒尊

荻港晤瀛渤上人因留茶話 僧桐人

夾岍蘆深好繫舟偶然乘步上僧樓樹邊打坐霜埋膝
花裏焚香雪滿頭五夜鐘殘催曉夢三生石上記春秋
遠公况我同鄉客白社淵明是舊遊

貓

蘆簾紙帳小堂虛
玳瑁霜寒玉不如
寒夜有情眠共榻
春燈作伴看讐書
山田祭賽同迎虎
旅缺歸來久乏魚
鼯鼠技窮花外影
月明未敢過吾廬

猿

有客還棲舊草堂
何須驚怨北山旁
林間偷果逢僧擲
崑下簪花學婦粧
三峽聽來風瑟瑟
五溪歸去路茫茫
人間自灑傷心淚
不必君啼亦斷腸

蠹魚

神仙三食竟何如
舊業荒涼一徑餘
佐治腹邊千段錦
鄴侯家計數牀書
漫將古篆誇龍鳥
每爲加餐誤豕魚
我笑前身應是汝
終年只在此中居

作客莫愁歸隱處
故山叢桂有人招

贈茅山道士錢載陽

神仙桑梓舊茅山
羨爾人間任往還
松樹雲開晴鶴舞
蓮花池閉老龍閒
身無長物餘殘衲
囊有奇方駐少顏
獨坐一樓明月夜
跣趺雙膝自緘關

偶憶

東風消息獨徘徊
久閉柴門手自開
寒食暖逢人病起
梨花香在燕歸來
竹鐫詩句春痕細
石補蒼苔雨意催
昨日偶從堤上過
遺簪翡翠却攜回

少年行贈友人

相逢陌上少年行
雙劍芙蓉匣內鳴
身欲許人猶有母

臣誣盜嫂本無兄結成海內皆豪俠羞向燈前說姓名
醉後自歌還自泣彈箏一半是秦聲

方明農先生新卜居桃葉渡東云是宋其武學士

宅

閒來徧訪高人宅曲巷幽棲一草亭移竹無時逢上巳
灌蔬有地課園丁橋臨桃渡三秋碧樓望鍾山二月青
此是宋公舊池館常將佳話與人聽

爲淡溪上人作畫併題

未辦買山錢徒有買山志畫到白雲深投筆發長喟

天竹

火樹三冬色珊瑚七尺高啄殘山鳥嘴錯認是櫻桃

白石榴

素種覓張騫花開白練妍忽逢妃子笑冰齒最嫣然

可嘆

玉笛橫吹九辨秋美人烟雨曉粧樓無情最是青銅鏡
纔照紅顏又白頭

題巖陵圖

蕩漾桃花夜雨時長竿百尺坐垂絲故人若不爲天子
老死桐江誰得知

夜讀秋胡傳

最懼久客逢歸日難信空閨別後心邂逅豈真渾不識
故將金作長卿琴

春思

眉黛秋山畫綺窓君遊越海妾吳江停針妬殺池邊鳥
縱繡鴛鴦不繡雙

友人以子屬予寄名戲題

夢兒亭上舊風流生子應如孫仲謀小字霍家師太病
命名花譜喚忘憂

宮怨

消瘦東風愛綺輕漢家三十六宮名君恩那得如春草
肯向堦前處處生

題落花美人圖

二月春深花盡發行人賣罷鶯聲歇殘紅羞上女兒粧

隨風吹墮鴉頭襪

題王山人山水冊子

居士維摩子晉禪篝燈雪屋靜無烟貧來一幅丹青畫
半作樵山半作田

清明哭亡弟禹公弟櫬寄江寧寺中

去年風雨寄書來繚繞鶯花處處催今日江村寒食路
長干寺裏野棠開

庭前

庭前萱草合懽名池畔荷花並蒂生寄語兒家休種柳
止知送別不留行

雪中登投子

投子峰頭雪欲封亂來留得幾株松土人指點棲禪處
此是山僧舊挂鐘

戲作竹枝詞

南浦荷開雨漲時方舟常繫木蘭祠女郎廟裏行人少
暗訴春情乞鬼知

經謝玉章墓

杜鵑凹裏杜鵑啼馬鬣孤墳日欲西幾點淚痕霑宿草
春風吹徧野棠梨

龍眠山行憶祝山如

去年同掃嶺頭雲忽見桃花却憶君昨日北邙吹暮雨
望中青草是新墳

閨情

商量停織漫拋梭雙繡鴛鴦並蒂荷不是愛他名字好
只因恨客別離多

觀鐵冠圖劇口號二首

新亭風景望中收國破家亾事事愁一曲商歌齊下淚
煤山猶勝景陽樓

無端舊事落花前細說興亾倍黯然此曲人間聞不得
江南愁殺李龜年

題靜波方丈

手托長鏡夜不眠山頭開得一坵田早來種芋供常住
猶恐官家索稅錢

題畫

九月扁舟繫晚汀
江村漁火數峰青
秋風吹冷蘆花被
詩半裁成酒半醒

送人入空門

美君端豈爲無家
斬斷恩緣誦法華
多少別離生死恨
從今淚不上袈裟

渡口卽事

門前春水沒漁磯
採得青莎織雨衣
隔岸不通官馬路
釣船時送老僧歸

客中夜讀錢虞山選香奩諸什所選名妓居多

老樹婆娑月似霜
孤燈不覺漏聲長
風流最愛香奩咏

伴客黃昏當女郎

沽酒

憂自中來強自持
典衣權買杜陵卮
酒無通夜消愁力
一醉能消一個時

雜感

誰家彈曲舊箜篌
歌到傷心易白頭
休弔錢塘蘓小小
紅顏豈值一年秋

謝客薦星士

韓愈憂說蘓軾窮
生來磨蝎守身宮
才人命薄多如此
何用成都賣卜翁

舊院

風俗江南半已非
院門空鎖綺羅稀
歸來尚有韓熙載
乞食誰憐舊衲衣

愁

唾壺擊碎狂歌發
昨日紅顏今白髮
何處愁人易斷腸
孤舟風雨空聞月

樂

人間樂事海無邊
不獨笙歌醉舞筵
更有關心開口處
看花馬上順風船

蕪關

報稅千艘日不閒
蕪關官吏抱嚴關
小舟若問私藏貨
詩在秋江畫在山

新燕

梨花如霰絮如鹽
撥亂東風半下簾
贏得美人春卧起
一條織尾賽雙尖

獨眠

胡床楚簟獨相親
紙帳紗幮半似銀
斷酒每憐茶博士
同眠惟愛竹夫人

田家早景

江南六月早禾天
農婦家家盍向田
幾處桔槔時斷續
綠楊陰裏一聲蟬

閨燕

杏花風落漸成堆
繡箔珠簾戶半開
不是因君頻出入

畫屏深閉有誰來

官齋卽事

如水門前好設羅
拂窓樹影獨婆娑
鵲聲啼處鴉聲噪
不解愁多喜亦多

題畫贈吳閩圃

幾年人未踏長干
夢裏松聲午夜寒
試問南朝四百寺
至今多在畫中看

江寧放後感懷

夜長鐘鼓最難眠
僮僕相看共黯然
怕說郎君年尚少
登科何必定今年

題陳章侯人物圖

輕素松江六尺綾
剡溪藤紙潔如水
聞君愛畫唐人物
半是山翁半醉僧

春郊卽事

大堤柳絮白如綿
愛聽提壺與杜鵑
少婦尋春香路窄
借名掃墓落花前

山僧索詩

寒山殘雪野梅香
流水扶筇度石梁
翻向城中索詩句
不知身已入詩囊

金百二移尊郊外送春卽景

青青柳色覆長堤
苦竹菴中日欲西
婪尾花前婪尾酒
杜鵑枝上杜鵑啼

馬孝思

字永公號玉峯正誼公之仲子少補諸生卓犖有大志為人爽朗軒豁表裏洞開正誼公

捐館陶丘積逋千餘金雖傾產莫能償永公留陶三年力請于代者清其乾沒爬其垢蠹始獲無恙得家書輒付之火曰亂吾志耳陶人士嘖嘖稱孝子曾奔其弟禹公喪于白門執紼盡哀觀者為之感泣其孝友性成如此永公兄弟有六方子田伯兄弟有三皆吾從姑之子玉友金昆照耀寰海永公兄弟皆工詩而遽逝其四使假之以年磨礱問學所造當不止此然其詩已居然登制作之林矣以視列朝集中所載皇甫子浚諸兄弟何多讓焉

重有感

蛾眉入宮掖豈不異君恩一旦顏色衰君恩寧久存丈夫懷壯志豈不羨乘軒一旦仕路窮乘軒何足論蔬食可充腹何必雞與豚布衣可適體何必莢與璫身榮既已危何況子與孫李斯棄上蔡二疏出東門即此進退

間便分智與昏所以達士志沒齒老丘園

手錄香山集成喜賦

我聞香山集流傳至雞林其國酬詩價一首百黃金愛才有同志豈分古與今素心亦慕之無從取次吟既未誦其詩何由見其心偶過曠闇齋見此即欲讀大小三千篇數十餘卷軸假來置案頭專心手自錄冬寒日孜孜未遑櫛與沐錦句難盡瞻瞻就十之六點不吝丹鉛鑽豈惜刀錐長歌短句中義蘊粗能窺曉吟日初出夕讀人盡時間出從人飲掩卷置空帷夜歸猶呼僮秉燭往取之同時酬唱者尚有元與李格律與歌行猶然壓二子作者雖云多怡情無過此芳名永不沒不沒良有

以此本若歲蕤重裁蔡侯紙

陶丘村翁嘆

跨驢南郊行暫憩僧寺住暑氣莽侵人乘涼依古樹忽
有老翁來短衣髮垂素問我爲誰與荅云是行路省俗
過堯封新官何如故翁言未及伸老眼淚如注故侯仁
且廉窮簷溥膏露此地苦河工壩夫最爲蠹舊額十餘
名誅求等正賦僉點憑奸胥私門羅厚賂富者得偷安
貧者反僱募鬻盡妻與兒逃亾不知數故侯下車初挺
然抗章訴但爲生民哭那畏上官怒一朝遂所請西江
蘓渴鮒善政固多端斯須難悉布真宰誠茫茫循良胡
不祚青山突然崩赤日當空暮去時有餘悲村童及里
姬哀哉賢令尹安得再逢遇

爲四姪紹平悼亾作

人生當少時所重在伉儷况汝值家貧二十猶未妻烽
火逼郊原完婚乃客歲入門果雍雍天桃艷階砌共道
新婦賢端貞且聰慧縞衣甘適體著簪任束髻怡顏奉
孀姑勤學勸夫婿下至婢僕流無不稱仁惠占夢既有
徵在今春夏際生男本尋常生女何淹滯竭力廣延醫
一到一投劑女生未三朝阿母竟同逝家門胡不祥同
病至三世自先慈及三弟婦皆嬰此厄汝時裂肝腸對人惟泣涕遺
挂不忍看空房從此閉麥飯與菜羹草草成家祭回憶
結褵初僅足一年計豈無榮華者借老猶不替何獨困

斯人芳齡遂分袂已矣痛難忘疾風摧蘭蕙
爲幼兒種花作
是花人盡愛汝愛在海棠年年阿姨家移入到茅堂瓦
盆三四叢一一手自將此花異衆卉宜雨偏忌暘五月
當霧天陰晴倏無常忽雨汝運出忽日汝運藏花固適
厥性運者無乃忙自言當秋初嬌艷吐花房玉頰微潮
酒朱唇淺暈香阿翁於此時一咏復一觴翁意別有屬
於汝却相妨杜家精文選范家理墨莊有兒勤讀書身
老無愁腸願言息此勞努力窮青細芝蘭與玉樹纔是
種花方

雜咏四首

夷吾天下才結交有鮑子分金何獨多仲也良有以故
人絕不嗔知爲貧所使感此意獨深直與生我比今人
受惠初許爲知己死及至金盡後棄舊如敝屣朋友五
倫事今古不同揆感嘆發長吟頽風深足鄙
吾憐王偉元慟父不克終攀栢日號泣栢枝無春風讀
詩廢蓼莪罔極思無窮如何御衣血乃有稽侍中食祿
期報主非不念及翁兩賢各異趣忠孝理亦同
荆卿遊燕市屠沽相與嬉擊筑酒同酣復有高漸離歌
泣自有意旁觀安所知七首入強秦太子猶嫌遲蕭蕭
易水寒壯士身先危或疑所待客偕行尚可爲不見報
韓人博浪又空椎直須赤幟起天運方轉移

前明風雅卷之十一
昭儀位中宮天皇初未決英公進一言唐祚幾淪滅有
孫倡義旗其氣何激烈馳檄動四方竟與乃祖別乃祖
貞觀朝房杜稱同列貽謀之不臧私語嘗切切其後雖
不材其先實賢哲公爲社稷臣置身反容悅生慚褚遂
良死愧狄仁傑

烈婦詞

君不見逸士梁伯鸞借妻孟氏隱于野終身不履帝王
都舉案怡然棲廡下又不見漢庭王仲卿牛衣對泣美
青雲一旦敢言身就戮區區富貴何足云昔時富貴人
所羨今時富貴人所賤金釵鈿合有時窮短布單衣終
不變吾邑項子起孤生盛年通籍何其榮遲之數載猶

未選前歲驅車入帝京不獨官階耀閭里復有微榮及
妻子春來樓頭望亦然花牋錦幘從茲始久羈輦轂待
君恩君恩未沐忽被論頸濺長安市中血魂抱黃泉道
上冤一身雖死罪莫贖并坐妻孥與僮僕遠謫中原已
不堪况投絕塞亦何辱閨中聞此不勝悲累欲捐生畏
人知適值夜半無人處偷將長繩先自衰生則同室死
同穴芳魂皎皎凌霜雪可憐富貴似春華不共君榮共
君折寄語貧婦戒貪求勿教夫壻覓封侯縱使金屋暫
時榮終不如屢屢烹雌同白頭

署中同三舍弟并朔朗兩兒侍宴有作

水署秋高氣蕭索白頭老親常獨酌屈指我來旦暮間

音耶屈牙卷之二
坐待西山日又薄我攜次兒到此晚昏夜城南呼鎖鑰
長兒日午先我來關外風塵饑且渴計汝遠婚別一年
喜汝不似太時弱阿弟且自帝京至老樹枝頭噪烏鵲
斗大官齋本不寬忽聚竹林與花萼夜深大被榻共眠
晨起趨庭趾相錯老親爲此懷抱開尊前笑對燈花落
自言骨肉暫團圓衰年苦被微官縛戶內頓覺家人多
門外依然可羅雀但恐弟歸兒又行相依那得常如昨
何日柴門賦歸成繞膝諸孫真足樂

題龔山集後

槐蔭枝繁受風大主人愁劇情無那惟有詩篇愜素心
對之頓覺愁顏破龔山先生詞場宗金石成聲珠落唾

有唐杜白若同時應與我公三獨坐潘生編輯假我書
日將十紙勤自課一日十紙未爲多十日百紙猶嫌惰
更于臨池趁曉涼北窓不敢閒高卧從茲苦志自鑽研
朗咏高吟日數過生時名已四方傳歿後風猶千載播
先生在日一詩成輒與同心共唱和獨是眼前詞客日
紛紛律細如君寧幾箇

潘生謂木厓也

去鷄行

去秋田叟來市厘縛鷄送我大如拳老妻慈愛不忍殺
養到今年值百錢有時土中間搜索有時奮翅窻戶落
几邊踏藉盤案翻滿屋淋漓遺穢惡明朝有客到衙門
倉卒將爾供盤殮從茲不殺亦不養杜陵樹柵勿復論

音耶屋牙卷之十一
懸弧歌爲九姪作

當戶今朝弧矢懸我因爲汝歌長篇人間兒女等閒事
惟我與汝最少年我咎生女年十六一門兄弟獨開先
汝今十六卽生子其年亦與我相似衰宗子姓果蕃延
三鳳入龍從茲始縱使商瞿晚較歡何如二十年前心
更喜香水蘭湯看浴兒我心獨爲汝翁思汝翁年纔三
十三玉樹階前新長枝汝年若到翁今年此兒又是懸
弧時懸弧懸悅我相同若論早歲含飴輸汝翁

重閱徐克草兼贈蜀藻表兄

憶昔羈棲陶丘道憂來日夜心如擣偶從朋好借書看
贈我以君徐克草入手不待全編終久困遂覺開懷抱

短句長吟非一篇就中最愛歌行好良由雅尚本天然
況從弱冠工文藻嬌如芙蓉出水新秀似蛾眉施淡掃
山城格調有誰同惟吾外舅龔山老龔山詩管追少陵
晚愛香山恣幽討初若隨興便揮毫却費推敲屢削藁
不必高歌泣鬼神但期命意通老媪今人謂白與杜殊
安知長慶風味同天寶我今重閱似陶時胸次頓豁無
煩惱獨惜才難與命爭兩地客况嗟潦倒雖然客况嗟
潦倒猶幸吟成山川風月刊梨棗

遊碾玉峽二首

司農別有號號與此山傳鑿石通樵徑分流灌秣田林
蘿秋礙日茅屋午炊烟一自騎鯨去悲風起墓前

爲司農公

作

青山無用買卽此可圖安谷響晴聞雨巖深夏覺寒江
湖榮逸興池館任凋殘輸與荷薪者閒來抱膝看爲外
舅龠

作山

遊龍眠二首

少保幽棲處溪邊曲徑開澗茶留客坐蔬飯待僧未引
水窮泉脉當山壘月臺階前松栢古猶望後人培爲少
保公

作

往哭仙郎墓迤邐過一峰期君終化鶴得婿果如龍是
日

同吳聿
修到山

風激墳前火聲傳僧寺鐘欲除霜殺草新種幾

株松爲長
公作

蒹葭

弱質歲蕤少生來傍水涯風搖隨岸葉波壓暫時花縱
託江湖老難辭霜雪賒幾曾依玉樹移入到人家

古鏡

百鍊菱花鏡誰家製作精團圓如月出瑩徹敵水清雲
鬢還爭愛霜華却恨明妍媸原有定分別似無情

村居卽事二首

生涯無別策強半在耕耘俗健兒能射村粧婦不裙桑
榆爭繞舍鵝鴨自爲羣聞說輸官稅三分已一分
傳有城南寺焚香近萬家祇因貪事佛不是愛看花田
父行驅蹇隣姑出坐車紛紛齊入拜歸路日西斜

憶江南

江南榮客夢寺苑憶凭登香積朝炊飯浮圖夜繞燈茶
瓜留施主簪綬半高僧欲學無生去妻孥割未能

催妝詩

爲張子菘作

旭日香車出看君意態新賦詩推道韞擲果候安仁襜
結初妝際冰當未泮辰畫眉與視舌俱是姓張人

懷次女蛟臺

忽忽三年別遙遙百里程自憐生計苦惟望母家迎連
歲頻添女沿江怕過兵書來爲堦喜筆可代躬耕

初度感懷二首

秋氣苦炎熱余生及此辰瓣香空薦廟寸草未酬親假

我慚窺易繩先愧析薪祇應坐茅屋皓首布衣貧
騎竹纔如昨無何又白頭山河軍壘日風雨秣田秋勸
學攻兒諺談詩遣婦愁花前閒啜茗猶未壓新篋

長女歸寧因懷次女蛟臺

莫道離親遠能來只片時臨風吹老淚有妹繫予思合
室無生策終年恒苦饑何當廻小艇同畫曉窻眉

贈隣人

水田纔十畝耕作自兒時茅屋三間小蔬畦四季宜榻
因推客卧囊有娶妻貲笑我惟書癖農桑總未知

再過鄉村二首

不因官路近淳朴儘堪居竹屋生幽韵村童聚讀書沙

前集卷之十一
明閒立鷺溪靜夜張魚收割今粗畢空田許放驢
消息傳倉卒沿途忽到兵壯夫擔子秃老婦逐牛行餘
粟坑爲廩長圍水作城時共避某氏水圩頓看十里內鷄犬靜
無聲

外舅明農先生遠遊北塞久不見歸賦此懷之
行脚原同一老僧芒鞋竹杖任凭登人經易水空悲筑
馬度黃河直秃冰蔓草有時懷故國白頭無路哭荒陵
含情試望煤山樹青似當年尚幾層

惜桂

婆娑雙桂向荒臺俱是前人手自栽西壁餘條猶且在
東廂弱質已全摧每聞驟雨愁花盡時有幽香隔戶來

傳語兒童休便折不同紫李與黃梅

題抱鴛圖二首

水國雙飛返故園君恩未報又銜冤芳魂搖落隨秋草
遺挂淒涼鎖墓門蠟燭灰成新涕淚白楊風入舊傷痕
不知月冷霜寒夜厲鬼嗚嗚何處村

輕綃寫出雪霜姿傳道金陵老畫師額爲傷多難點懶
心因怨劇故顰眉東廂失却魂歸處北邸初張人看時
懷袖三年離不得也同湖海舊相隨

冬初與揆采及大兄各賦弔小青詩四首

一自芳魂搖落後年來空羨廣陵春知心泉路惟蘓小
分手樓前無季倫死太已消詩字債他生休作女兒身

當時珠淚頻飄灑莫灑無情妬婦津
人嘆紅顏多薄命天因命薄與紅顏可憐瘦影常臨水
不似高僧亦閉關詩比芙蓉含露泣身同鸚鵡透籠艱
畫圖縱得嬌嬈態未及新粧畫遠山
誰負人間薄倖名至今猶恨武林生花前憐我猶然我
水面呼卿豈有卿蟬縱悲鳴難棄蛻鶯雖學語未成聲
鷓鴣此日無尋處芳曲空傳療妬羹

夢魂歸去向天涯廿四橋邊路更賒只有霜風摧蕙帳
難將秋鏡照梅花丹心化作山頭石絳縷封題臂上紗
拾得窻前詩數首也同千載奏琵琶

壽大兄三十初度

多情留客度寒天信是人稱內外賢同爨未聞羹可憂
共眠常覺被相連漫嗟馬櫪難酬志自有狐裘足記年
今日一尊諸弟勸庭前遑問酌誰先

哭張氏表姊兼慰左復生二首

也知天意摧蘭蕙但恨霜風尚早摧贈婦陸機情緒重
悼亾潘岳語詞哀錦衾縱爛情難共菱鏡雖明影不來
憶管甘貧無所怨今朝何用送錢財

夢旣徵蘭必抱兒豈知兒喪母同衰幽魂至死難消恨
種玉雖成亦是悲并蒂蓮花空出水雙飛烏鵲已亾雌
更憐乳母哀哀想盡辛勤襁褓時

除夕

常羨蝸牛尚有廬蕭然四壁笑相如從他歲月空流轉
泥我窮愁不并除蠟炬欲殘無檝馬椒盤將薦只園蔬
病妻中夜猶揮淚肯蓄何曾爲我儲

初三日同張子千德遠家涓陽出南城道經故園

有感

十年戎馬渾郊坻焚掠人烟似斷萍到處荒燐皆化碧
何年野草不還青雕梁泥落無棲燕鄴架書殘空拂螢
幸有咎時隣叟在我來指點舊池亭

臨鏡見有白髮感賦

曉起鏡前窺短髮鏡明髮禿轉添憂喬松老太能經雪
蒲柳生來怯到秋長貌漸衰人不覺霜華忽上影先愁

安仁何用多傷感我少於君亦白頭

曉發江村限韻二首

比屋蕭條亦是村沿邊春色動蘋蘩夢歸鄉土常多淚
衣著江泥尚有痕擾擾哀鴻愁旅食依依芳草送王孫
今宵須傍青帘泊莫待提壺夜叩門

二月濤生水面寒村雞初唱向江干行厨有米吹猶易
鼓楫無風渡亦難春意漸深鄉思亂波聲不遣旅魂安
舉頭獨羨沙邊鳥飛去飛來振羽翰

南中聞嚴君量移定陶

尋親遠道值春寒夜雨頻驚旅夢殘解綬應拋滄海郡
折腰仍似粵東官喜聞路尚離家近不信冠猶倩客彈

自逐馬蹄泥濘去久無驛使問平安

陶丘清明

客中此日倍淒然陌路逢人挂紙錢未有青山埋故骨
但從平地起新阡春增婦女襟邊淚風動牛羊草底烟
回憶虎岑父母墓松楸料亦望吾還

贈田琢如貢士

四郊雞犬是秦餘淳朴還推水竹居地僻肯從遊子借
徑荒先命野人鋤瓶封菊蕊冬儲酒饌入溪頭早市魚
天半逢君能愛客不妨高枕當吾廬

龍眠山

龍眠宜是逃名地憶管公麟隱此間薄有壺觴如栗里
不將疾徑比終山桃梅逐路爭開落麋鹿親人共往還
春色定知遊客遍風塵憐我滯江關

射蛟臺

武帝東遊曾駐蹕旌旗欲返未央宮長蛟自恃風濤險
玉弩潛翻江浪中流水無波通客舫當山壘石賴村翁
遙看天柱層巒秀名與茲臺萬古同

綠琴

綠琴宜趁月明初石上橫來儘自如恥入王門寧碎却
幸留客爨是焚餘高山流水隨人寫羌笛秦箏令爾疎
一自廣陵彈罷後至今塵土未全除

錦瑟

清幽最愛琴兼瑟五十朱絃操更繁按拍可堪愁裏聽
高歌誰向曲中論空留峰影臨湘水不共竽聲到國門
總爲雅音難悅耳悲筳哀角遍山林

滄州署中同大兄一公賦三首

長蘆先世舊乘驄我父荒齋在此中一境官猶分大小
兩朝局已各西東私心亦擬他時望直節人傳漢代風
况復兗州新授地封疆約畧又相同

先太僕公曾
巡按山東

相逢漫說滄州惡但得清閒性亦安未有桃源堪避世
暫同桺下不卑官人稀故里傳書少道遠江船載米難
風土近來相習久坐嘗杯酒更加餐

五年猶是借人居官况蕭條尚似初典發憲前撻警句
俸餘郭外購遺書久知門冷原無雀自減盤餐不受魚
也信金多非鮑叔遊輪一任故交疎

園官送菜

清齋六月可烹葵先向郊園雨後移種好止應憑小吏
祿微難遽效公儀壁間綠葉吟虫篆籬外黃花野雀窺
馬齒嘉蔬同一飽分蔬何必少陵詩

江寧集龔山草堂

柴門曲徑桺陰遮地僻真成處士家引水入池鳧試浴
東蘆爲架豆爭花朝厨圃近蔬堪剪晚巷人稀犬不譁
鎮日晴窓無俗事苦吟薄醉是生涯

丙子初度二首

音耳居牙卷之二
愁聲從未出深閨合是梁生操作妻月照窻前槐影亂
霜侵檻外竹枝低身因小病朝慵起兒爲長饑夜慣啼
今日閨中邀女伴半分脫粟半黃虀
堂前同著綵衣裳弱女於今及母長麋鹿引麕常自乳
梅花臨老不成妝燭從西舍休言借棗熟東隣未可嘗
紙閣蘆簾了生事成仙何必羨劉剛

晚宿村莊

秋風蕭瑟動寒林對此偏傷旅客心
借得板扉權當榻覆將鶉褐卽爲衾
頻傾野店三升酒敢忘王孫一飯金
牢落欲憑詩遣興饑虫砌下似同吟

抵署

諸弟春歸子舍寬朝昏誰復勸加餐
臨邛祿薄難分客彭澤兒多不就官
旅袂盡從新雨潤鄉書細向夜燈看
馬蹄十日輕相送未覺人間行路難

抵署數日卽遣小力南回二首

倦鳥投林且息機單身何事向南飛
愧非穎士留無益得似方回見漸稀
客路莫貪殘夜出里門須起未霜歸
逢人若問予消息諱却秋窻帶減圍

夢入家園我減餐風烟遣爾報平安
菊經白露花將發鴈過黃河影正寒
塵路行多歸使熟鄉書傳到客心寬
含辛亦有千行淚暗濕青衫未敢彈

九月初七日

雞聲初唱起焚香遙望南雲拜北堂霜露百年空有淚
蓼莪三復不成章椿存未敢輕嘗酒線密猶留舊製裳
回首墓門真寂寞寒松翠栢正蒼蒼

授衣

四面雲黃欲雪天無衣翻動老親憐故鄉千里寒難寄
草榻三更覆獨先官只胡家分後絹盜餘王氏舊時氈
一從薄媿悲慈母闇淡青衫久廢綿

賦得貧家養女嫁常遲

繞膝嬌姿堪慰情學拈針線果聰明作羹厨下先將母
咏雪堂前每讓兄五岳欲遊留向子十年不字問君平
家貧生計惟餘犬底事朝朝賣未成

出署

官如臣父幾人廉縱不彈冠也不嫌柳下官箴原是直
子魚家教本從嚴千行別淚襟邊濕一片寒雲野外瞻
獨立閒庭無客到春來白髮鏡中添

送姚揆采還浮渡

欲同遊諸岩以雨不果行

還家爲問寢門安惜別情深欲語難有酒每從鄰舍貰
無衣空念故人寒溪邊學釣常投餌隴上催耕不正冠
唱和蕪關詩句好莫教傳與貴游看

與方三素伯有江右之役業已登程予忽興盡而

返

回車中路似知幾欲語離情心事違可信賣文爲客苦

本知分俸罷官微
頻燒蠟炬憐同飲
細檢書籤割半歸
話到五更猶不寐
坐聽雞唱各沾衣

春日友人邀過西園兼懷其人北道

春到芳園喜見招
入門疎影竹蕭蕭
梅花對客如含笑
鶴步隨人又過橋
僧飯有緣沿路鉢
野墳無禁遍山樵
艱辛築得藏書處
閒付東風鎖寂寥

紅葉

點點霜華染素秋
吳江欲落任飄流
酒燒詞客林間煖
詩送宮娥靜裏愁
太乙吹殘藜火在
杜鵑啼罷血痕留
須知不是桃花瓣
莫引漁郎錯駕舟

哭五舅氏二首

人却危君不自危
長庚星去及秋期
龍蛇有兆應歸命
參朮無靈莫罪醫
荆樹已分田氏宅
蘆花休衣閔家兒
從今怕踏西州路
暗觸羊曇醉後悲
飄然粵海獨乘航
意外遭逢先澤長
數畝未營元亮秫
千金空博陸生裝
倚門失汝誰將母
遺腹如男亦慰孀
我似季鷹來一哭
賞音知不向靈床

哭外舅方龕山先生二首

生計常言與願違
但逢行處便忘機
身來故國俄驚病
骨幸蒼頭蚤護歸
酒店尚留當日債
詩名不救闔門饑
酸辛舟過三山峽
昏黑江天失少微

偕隱青溪性所安
灌園人去辟纜單
其能煎豆嗟何及

蚌欲生珠老漸難設主靈帷延客拜寄骸野寺倩僧看
撫棺莫罪予來晚雙淚天涯總未乾

抵署

十年七度赴陶丘門巷蕭疎似昔遊鄉物却珍來路遠
民情翻爲太官愁宣房纔罷填河柳幕府申催享士牛
時有兵過遙望故園歸未得東風吹老菊花秋

秋日予有竟行信宿路雲麓所莊却贈

迂道投君百里程問人方識所莊名登堂書有兒堪讀
負郭田惟僕代耕王氏祚昌沿世族李家孤在賴門生
須知遠客無歸計莫比尋常訪戴情

孤雁二首

何事哀鳴入夜分一聲聲在客中聞沙邊鷗鷺非同侶
塞上風烟想舊羣影掠湘江空帶月路尋衡岳獨穿雲
天涯飄泊寧多少相對惟餘我共君

振羽秋高盡族行何緣拋却獨宵征無家寡婦經年別
失路孤臣萬里情綠樹但聞棲衆鳥青天誰與問前程
艱辛好入寒雲裏幸莫相逢阮步兵

秋日同諸友過李孟一西園因和張龍佛先生韵

登臨正及杪秋閒十畝園林屋數間黃菊滿籬纔半吐
白衣載酒莫空還予自謂也殊方漸覺朋情重旅食常虞生

計艱花下管曾親飲處啼痕私向栢枝攀先君與孟一尊公交甚善

嘗飲于此園

四舍弟濟上信至知歸櫬將得所請矣

舍弟書從濟上來持書未讀我心哀髮緣旅恨霜千丈
腸似江流日九迴荒徑痛無陶令在佳城留待沈公開
呼天乞與冬暄穩好向山橋野店催

雪作謝沈涵文餉酒

擁被繩床夢不安天風吹雪滿闌干青占麥甲豐將兆
白上鴉翎凍欲攢惜莫林間同葉掃愛留窻下映書看
解衣思質旗亭酒望外逢君念我寒

除夕同四弟作

淺酌村醪奠兩楹瓣香初爇淚縱橫世情險阻嘗應遍
鄉路分明太未成馬角豈真因一哭猿腸終必斷三聲

愁心亦似荒原草但逐春風吹又生

二月十九日先嚴靈櫬南回孝悵不得扶送哭呈

二律兼示四弟

白髮思鄉漸減餐蓴鱸雖在失張翰已衰病骨歸來晚
未死官身太更難青草雨淋塵路滑黃河風逐怒濤寒
庾公淚落瞿塘水穩奉靈輿過急灘

予欲偕行此願違老親付託爾扶歸心傷薤露歌聲遠
目斷柴門樹影稀幸覓寢丘同馬冢敢延弔客致鳥飛

時已買山
即擬歸葬

居廬待補趨庭缺山後山前慘落暉

沽酒

美名何必定青州處處孤帘晚未收稽阮慣從墟畔過

荆高常向市中求急因留客憑增價暫爲思鄉借解愁
憶簪金釵初拔後妝臺連日罷梳頭

咏茶

身披野服自年年莫笑山人癖性偏
穀雨節來和霧採梅花香在帶雲煎
匏尊汲澗龍驚卧石鼎飛濤鶴避烟
新句一聯琴一曲薰風間啜小窻前

讀潘蜀藻表兄徐覓草二首

頻年書劍走風塵欲乞微膏奉老親
才似樂天無異調生疑太白是前身
彭城趨立師門雪濟上閒留幕府春
贏得詩篇如錦綺歸囊不信爾猶貧

歸日裝如太日輕空將筆札動公卿
搏霄野鶴霜毛瘦徹底冰壺詩思清
作客我猶遭世難嗟君天果妬才名
謫仙簪已飄零甚又謫人間太學生

友人書室見有咏白鸚鵡者和之

不將錦綺艷紅妝巧語聲聲寄恨長
弔影獨憐梁上月隨身常帶隴頭霜
羽毛對客成佳句縞素如予老異鄉
授得蜜多經一卷開籠誰放雪衣娘

初度感懷

蒲團拜爽佛龕香背却僧寮暗自傷
篋內綵衣空涕淚庭前鴈序半存亡
嘔心血作詩千首計口糧儲粟一囊
南望鄉關如絕塞幾時趣得遠歸裝

九月七日爲先慈忌辰詩以代哭

異地今朝恨不平寒風吹我淚痕盈衣邊那有親縫線
厨下何曾婦作羹兩歲天涯爲客苦他生日暮倚門情
虎岑多少松楸樹愁聽鳴鳴晝夜鳴

夏月冒雨同方侯士兄弟遊龍眠別業二首

白練千條下急湍山溪六月尚多寒芸窓遍挂絺衣濕
草榻分眠布被單莫倚弟兄留客慣須憐僮僕過河難
春來聞說花如錦惜未相將看藥欄

雨窻遙對最高峰欲上還愁滑短筇犢角漸成三徑竹
濤聲不斷四山松談溪客坐頻傳盞夢覺僧廊忽打鐘
午爨且分香積米隔溪隣舍未聞春

婦病

纔贖金釵向酒坊日臨窻午未梳妝貧添老態顏先瘦
雨送新寒骨暗傷買藥自炊簾下火呼兒同進佛前香
關心總爲糟糠重幾夜醒聽更漏長

夏日偶作示內

草閣連朝客到空閒眠貪愛竹窻風面黃憐汝將成媪
頭白嗟予已是翁小病豈關無肉瘦長貧莫罪有詩窮
鹿門平日堪偕隱况復干戈在眼中

訓子

敢說藏書富五車亂來猶未失張華寒儒膏火窻前雪
亂世簪纓鏡裏花對客最嫌狂作態愛兒勿令早傳家
許多年少營生理懶弄鉛實可嗟

愛一作教

左霜鶴先生要予與方素伯入龍眠俱不果往
札到偏招魯兩生天風一路熟香秔月臨清淺河邊影
松帶陰寒雨後聲蠟屐未乘遊子興盤殮空費主人情
漫言五岳芒鞋遍咫尺龍眠不易行

夜雨

晚占天色近何如不見繁星帶草廬蟋蟀聲寒四壁靜
芭蕉響徹五更初花移夕圃新添檻水滿秋田更入渠
屋漏已拚沾濕遍小窻愁有未收書

題王安節所寄畫松

冰統一樹倚高岑白下傳來寄念深妙筆直追前輩手
雅懷同守後凋心依稀風度龍崖曲彷彿濤生草閣陰

安得鬱葱真似此石橋南畔好追尋

憎桂

婆娑雙桂小山隈移向尚書宅裏栽數椽爲錢尚書舊宅宦後吾

翁猶寄憶劫餘兵火未全灰一林爲兵所燬風生靜夜香先露

月到中天花正開莫遣兒僮攀折苦好留幽韻待詩催

葺居

老屋三間舊讀書廿年分住作吾廬掃來塵土連蛛網
買得松杉換蠹餘春燕引雛巢自補晴鳩呼婦舍同居
從今縱值風號夜高卧茅檐儘晏如

家醞初成二首

今年種秫未全荒爲竭詩腸藉酒狂漉出已同桑落色

新集風雅卷之十一
嘗來添入菊花香乞隣亦惜酬高價訪舊何曾許濫觴
還是貧家新釀好良宵多有不時藏

獨醒何事與人殊况復開尊不用酤也信名難齊白墮
祇教味略比黃壚閒尋野藥親攜鋪旋採新荷自覆瓿
却看老妻顏亦喜金釵免質酒家胡

寄長安友人

粼粼車騎滿長安功令新傳取士寬遊學范滂膺郡辟
輸邊卜式拜郎官策身人幸彈冠早捷徑君忘行路難
涓滴媿無將伯助王孫應恕舊交寒

東郡偶吟四十韻

泱泱海岱正垂紳吾祖當時漢直臣歛手貪污爭解綬
囊頭權貴懼埋輪甘陵不避譏朋黨杯酒寧能假故人
共祝虞淵方浴日那期泗鼎竟沉淪綵縫惡少衣邊線
黃著流亾首上巾四境鉏鈎徒望遠孤城鼠雀獨傷巡
戚姬垺燼朝朝火范蠡湖荒夜夜燐惟我有親纔捧檄
單車就道始披榛桂薑老太偏存辣蓋白從來耐受辛
珠遁簪曾還合浦花繁今又種安仁村名石井常留月
瑞紀班枝尚有麟虎爲使君過北渡雉因童子就埒馴
輿情一任歌兼謗廷論何妨侃復閭惠政止餘碑在口
窮鄉安得賄焚身聲名詎慮卿慚長威信咸驚吏若神
東郡趨庭當烈日西疇祈雨值茲辰邑侯齋向賢祠禱
太守寃爲孝女伸從此天心稱穰穰依然原隰慶咄咄

績當魯國成何晚
畝到南陽問必真
桃李狄門分得少
豕魚鄴架校讐頻
登陴練就彎強卒
入幕閒將作奏賓
居士暇時惟六一
勝人醒處足三旬
曹丘半是長安牘
虞芮多因隔縣民
恥託二天州刺史
懶呈尺字漢平津
謂方濟寧孫益都也
范雲宦罷甘嘗麥
張翰秋深每憶尊
屈指五年週甲子
遙臨九月是庚寅
故園情篤還侵夢
祇樹心虔久戒嗔
叔可乘騎悲武子
姊能矢栢念靈均
老猶待卜滕公冢
孫盡連成謝氏姻
雞肋眼前如可棄
棠陰別後更能新
蓼莪有淚空瞻岵
負荷無才繼析薪
作客已經難似蜀
坑儒何意酷如秦
柴車毀却人休借
比舍炊成爨不因
赤土須磨天外劍
青氈留取坐間茵
茵願紉蘭佩羞同艾
敢擬金根妄改銀
栗里風傳陶靖節
龍眠山屬李公麟
東頭屋在堪消夏
下溟田開定及春
饒有壯懷仍落落
不禁狂舞自蹲蹲
碁敲涼月貪邀客
棗過前檐豈羨隣
漫道柴桑無逸趣
烹葵釀秫未全貧

內子初度偶吟四首

也知歲月愁中度
偏向閨中事事愁
生計有無隨分過
恐驚霜雪早侵頭

前有霜根後有槐
隨風灑雨漬空階
不須素食依三寶
常啜糟糠卽是齋

每見卿愁我不愁
我原自許是黔婁
封侯此日何從覓
虛負凝妝上翠樓

龍明屈雅卷之十一
已經家難嗟無母况復堂空未有姑此日六親俱係我
我能忍作薄情夫

題池河主人壁

野店大方迎宿客短牆鷄又喚行人匆匆襍被何時息
虛負鶯花二月春

書家信後口號五首

塞雁南飛萬里途同聲雲裏自相呼庭前暗數排空陣
恰恰成雙未有孤

相約歸期今欲愆不同鴻鴈到南天情知客騎歸來晚
莫信君平賺卜錢

慣得癡兒嬌更憐終朝撩亂火堆邊慮他吸盡三升乳
夜半長啼母不眠

老僕騎驢先我回呱呱偏念此嬰孩歸囊見說無瓜果
啼向懷中不下來

魏紫姚黃花遠攜栽時勿棄舊丸泥爲予寄語嬌癡女
烹太蒼苔剝啄鷄

邊詞

旌旗逐隊共揮戈戰士沙場喋血多主將論功歸上第
幾曾白骨受恩波

渡汶河示舟子

聽說從前有客過音容約記似予多尋思不用求名姓
舍弟曾經此渡河

過主人園中觀杏

倚杖尋芳一徑斜
胭脂半落雨中花
知君釀熟能留我
不必前村問酒家

燕語

雙雙新燕語雕梁
一日銜泥幾度忙
却笑無家千里客
與君同是借人堂

送春

風飄柳絮點人衣
又見殘紅撲面飛
曾約春歸須待我
留春不住讓春歸

七夕

瓜果初陳針線收
誰家巧婦獨登樓
凭肩漫作他生誓

且共今生到白頭

馬方思

字江公號屏菴一公之第七弟也早喪母敏
悟過人父以少子稍姑息能彊志力學年方
舞象即補弟子員大司寇姚公龍懷愛其才以長
女妻之嘗與諸昆更番侍父任一門之內以父兄
為師友先後學使者拔置高等餼于黌宮年二十
五卒親知咸為之惋嘆不獨樞部公抱喪明之痛
一公輩街人琴之悲也所
著有寒檜軒集藏于家

元宵侍大人飲有懷五兄新逝

上元當此夕寂寞度佳辰
病起行差健庭趨舞試新燈
花雖縱目池草暗傷神
若得同來此應嗟少一人

季秋送姚庭若南下省其婦翁方邵邨侍御

何事霜天忽遠征
頻年有夢憶冰清
楓林到處同秋爽
雁陣橫空共客行人入玉關
驚老至話盈甥室總離情

音耶風雅卷之二
蟹螯蓄並東籬酒遲爾歸鞭十月程

姚注若招同張齡若諸子

倦向齋前步夕陽承君招飲北山堂酒開新釀浮尊綠
蔬出行厨帶雨香坐有丈人寬禮洽談深今夕任疎狂

醉中更玩新圖畫

時注若新學畫山水

不問瓶傾與漏長

友人邀遊龍井因雨阻未往詩以志悵兼和張齡

若韵寄竺怡上人

有約尋山興儘賒塵心濯向梵王家那堪春色傷榆莢
未向茅菴惜落花繞徑柳陰纔曳綠傍崑竹塢又添芽
虛予此度來聽泐乘暇還期共煮茶

署中懷內兼和原韻

猶記離筵慘落暉霜天開篋拂征衣倏驚歲暮懷人急
為戀庭幃未忍歸繞膝諸雛猶可慰長貧旨蓄莫教稀
勞將春酒封藏好待我還家坐翠微

暮春拜別 大人二首

輪省庭闈輪告歸一年幾度感睽離衰親愛向山居老
薄宦慚因兒達遲飴已多孫含有日莊堪種秫釀無期
菊松此去開三徑好是逍遙綠野時

離筵夜夜侍庭除話到家常意不舒向子累纒名岳遂
小同情切暮年餘三卷卜正無佳兆百口貧猶共一居
狐首自當迎旅櫬敢無撫姪待克聞

時大人命迎五兄之櫬歸桐兼以

七姪為囑

大人憂旱欲移家累先歸

賢勞小邑已多年比戶桑麻尚宛然憂旱頓驚荏澤警
移家擬就秫莊田貧憐宦橐書猶富愚有孫謀貽亦賢
為報鹿門須早葺清陰依舊綠窻前

夏日同姚庭若遊夕園偶占一絕

出郭尋山酒不賒竹林共坐話桑麻枯僧莫晒狂夫醉
燒筍還烹穀雨茶

十四夜聞歸雁有賦

月明午夜正中天歸雁聲聲掠陣旋為問爾從南地過
家書曾否藉君傳

病中紀事

病覺浮生竟日閒柴關暮掩鳥飛還忽聞靜裏爭喧急
鵲啄餘冰落照間

丙午落第感懷二首

桃李公門未敢期上林果自斲殘枝可憐賤子投閒日
猶是嚴親遠望時
九月江鄉蟹漸肥東籬菊亦正芳菲登高携得床頭酒
惟愛黃花待我歸

馬日思

字禹公順治間諸生一公之第五弟也弱敏

悟不好嬉單心腐毫以詩書為寢食性簡靜
恬約落落寡交贅婦翁何辯齋家惟浮白讀書兩
花登高之屐秦淮泛月之船間一寄興而已年三
十餘早卒樞部公哭之慟一子塲以一公仲子鳳
翥為之後其詩皆散失無存僅按其趨庭草數首
猶陶丘署
中手書者

雪中夜坐

瑞雪年華好，殘冬夜氣寒。山陰遊有興，梁苑賦誰看。擁被爐猶冷，開窓絮已殘。豈知冰署裏，亦自卧袁安。

呈畬山先生

何事高人不肯閒，一年強半鎖柴關。貧無生計惟彈鋏，老向交遊爲買山。梨棗漫矜裝橐富，風霜須識道途艱。哺雛軒裏朝朝望，久客休教臘盡還。

將李壽畬山先生

頻年踪跡遍天涯，荒署經時駐客車。詩似杜陵推史筆，妻如栗里共耕畬。介眉正合傾春酒，攬鏡何嘗見雪華。岱嶽曾登有熊夢，徐卿二子送君家。

元宵月食

每對清光惟獨步，况逢佳節倍多情。嫦娥有意悲離別，不使今宵向客明。

前題畬山及愚兄弟各得一絕，意調相同，因復拈此。

閒庭唱和興悠悠，詩思相侔句亦侔。只恐愁憑明月寄，却因無月轉添愁。

竹枝詞二首

妾似葵花長向日，郎如柳絮只隨風。殷勤爲勸章臺客，落盡花時絮亦空。

書來但說歸心速，春仲相期秋後裝。無定光陰惟日月，

郎邊偏短妾偏長

音耳屈牙卷之十一

龍眠風雅卷六十二目錄

木厓潘 江蜀藻輯

金閨章鏡承孝可 叅

甥方 將當時

左國昌 十五首

姚文良 四首

方千宣 四首

吳兆武 一首

丁舟巘 五首

吳熹 一首

吳席 一首

戴臚 五十五首

方碩 二十五首

錢法祖 十六首

姚氏鳳儀 二十六首

吳昌猷 八首

姚士空 十五首

殷邦 二首

龍眠風雅卷六十二目錄

子來此名差足當側聞昔盛時茲橋壯吾鄉青龍落日
見彩虹臥波長百貨左右列市肆東西望結隊閒遊子
拍板間笙簧美人月下來携手鬪艷妝盛事豈能久世
變遂荒涼歷今三十載父老臨河傷向我談往昔追思
不能忘不圖至今日大舉復群襄朱欄照水赤白石受
苔蒼登橋若平地驅車可同行請看走馬過聯翩少年
郎誰爲題柱者念之心飛揚

瀼溪署中午日集種花堂限午字

客序屆天中閱俗似吾土隨地合時宜令節尚重五賢
侯從民風山城狎笳鼓公餘張燕會親朋具賓主娛母
衣斑爛嬉兒弄綵縷尤快竹林歡但少花萼聚談諧窮

探揆小技亦云輔雅類西園集勝效東山賂居官有餘
清爲儒何必腐冰厨出精饌汎蒲競當午供客灸新鵝
華筵踰常矩倦閒覓瞻眺行園陟花塢輕風蕩微涼悠
然歇沉雨仰面看濃陰流鶯刷毛羽葱菁露群山孤亭
誠可補坐久爽易招支頤笏漫拄豈云官且貧菜根種
盈圃烹葵再命酌豪致旋起舞酒政戒苛條詩曹習舊
伍尊前引大白拚醉誰復數座上抽短毫催吟良太苦
剪燭不知夜新月忽已吐人生貴行樂碌碌奚足取牢
騷會須平當歌勿懷古

孤兒行

吁嗟噫嘻悲哉人生之苦莫如無父無父人不憐猶且

前人集卷之二
受人侮執手雖有兄弟權舉目竟無伯叔撫背人常下
孤兒淚對人吞聲不敢吐堂上母老家徹貧茹檠今年
稱六旬大母水霜踰八十白髮如雪骨嶙峋報劉之情
何日陳曾無菽水可養親厨中釜甑已生塵行將負米
兼負薪自分有生數多舛誰料天地容吾身此身未有
託儼然獨立雞群鶴垂髫擇學好詩書父死失傳將廢
學願守我柴荆安能事耕鑿悲哉男子志在凌秋雲孤
兒磊磊復落落孤兒悲悲歌未竟聲淒其忍淚喉苦咽
放聲腹苦饑吁嗟嗚呼人生之苦莫如無父我生何竟
爲孤兒激烈推枕起中夜毛豎似聞鬼相咤久已顏面
令人憎曷不長揖向人謝君不見梁鴻少孤爲賃舂未

必窮年鬱鬱寄廡下

漏雪歌

我有數椽依老樹地無半畝亦環堵曾避風雨不避雪
覆屋稀踈未嘗補今年仲冬雪初見寒花片墮攪素練
直壓屋椽椽欲頽瓦縫參差下如霰屋裡何異飛當空
小牕明几外內同誰擲瓊瑤碎我室輝我蓬華何時窮
貧家入夜燈每斷藉此分光到書案忽驚案上白盈盈
掀翻書帙濕已半書濕不妨且不讀冷埋地爐欺楮楮
悄然凍坐體欲僵脫衣擁被寒生粟稚女畏寒床上啼
荆妻忍凍手提携蒙頭卷膝難安臥夜長醒耳思聞鷄
曉起呼爨厨無烟煮濤但聚水晶鹽薪濕撐竈炊不熟

音耶風雅卷之二
買薪挾價安能廉出戶劈面風雪打可憐饑雀啄檐啞
凍翅見人不得飛惟我與汝同病者噫吁嘻大雪莫蔽
寒士門空厨累日乏饗殮大雪莫侵寒士屋四壁虛無
寒徹骨

題孫雨田客舟草後

我愛南遊客牢騷盡付詩歸看囊是錦編就色爲絲星
斗秋江落雲烟夜糴隨酒酣歌莫放遙動越吳思

送廓也上人之白下

忽買扁舟去何爲憶秣陵塔尋多寶現臺望雨花登藉
受如來戒應叅最上乘一瓢兼一衲猶似六朝僧

由皖歸訪錢孝則湖上卽事二首

群從交情厚貧還喜客來恰乘秋月閏遲却好在開點
鼠侵晨嚙驚蟬傍暮哀已知行色慘誰復肯憐才
亭上俯修木蕭疎受夏涼拂雲叢桂暗撐屋老梅蒼夜
月張琴理秋風啓甕嘗翻嫌拘禮法信宿兩相忘

張吉如齋頭夜話

城頭更懶報大抵是宵分風響疑穿竹天空欲墮雲架
看書累帙匣有劍藏文得句燈殘後鐘聲落枕聞

憶越巢早梅

谷口層臺上橫檐一樹梅生因高處傲放被暖時催在
野全增色先春早受胎雪寒門正揜且問客誰來

雪蕉初夏卽事

入夏暑方侵茅堂盡覆陰巢存來舊燕樹密得幽禽晨
露濯花瘦午雲窺牖深却因方丈室常繫讀書心

贈童求上人

卽張僧持弟今從石和尚遊

年少持精戒如君亦竟能長齋胎已受猛力行全憑博
學羞儒業叅禪對佛燈阿兄雖賣藥也是在家僧

錄姚嵩肇遺詩

知君難再世身後類文園未有傳書種空招作賦魂生
承香案謫死博玉樓恩夙病緣吟苦篇篇碧血存

夏日過張我思涉園

登樓心自遠

園有心遠樓

衣冷臥雲輕素壁分水潔規窻受

月明罨青山綴色空響竹流聲別具小丘壑欣然忘俗

情

署中秋晚雜咏

署靜渾閒事荒園步幾回草枯除射地石亂系花臺彈
雀過墻去牽藤上架來晚涼踈雨滴秋意滿尊罍

客中烹魚醉而拈此

客舍迎江路呼船自買魚未經供饌美先喜出罾初浪
跡非彈鋏思鄉故問書吳泉堪一醉興欲擬尊鱸

過江州宿興龍庵贈住持了能

古刹名曾識高僧臘更尊談禪宗乘熟入世道心生靜
對梅花坐勤持貝葉翻喜聞藏跡處廬岳有祇園

阻風值雨

音耶風雅卷之二
寒滯春江擢無端信野橫倒風推岸浪斜雨驟篷聲
語隣舟開孤吟獨夜清淒然增客思醒眼待天明

阻雪

小艇爭風便驚濤不肯平半帆難假力雙槳竟無聲穩
汨膠水固輕裝載雪盈貪眠炊熟起只畏濕煙生

雪

寒窓猶對雪清趣客中賒繪色皴皆粉詩情淡不華盛
來烹玉茗踏去問梅花疑有神仙侶凌空鶴羽斜

碧筩杯

摘得新荷蓋如擎裒露盤刺香絲欲引傾酒色爭寒象
飲真堪似鯨吞轉覺難誰爲消暑法頓遣甕頭乾

磊齋以亭外隙地盡爲菜圃卽事漫成

民色非難起看君此味長祇爭花譜艷寧識菜根香退
食分賓友加餐愧稻梁雖從年歉計淡泊亦何傷

喜孫小武得幼弟消息

桑田改後不勝悲每嘆君家會合奇有弟皆于分散得
逢人好釋死生疑兵爭未罷仍愁隔書觀如真豈恨遲
借問沙頭無數鳥春令飛到定何時

畫眉

山禽飲啄自無儔閒入園林性頗幽常顧羽毛臨水檻
獨將名字媚妝樓青螺解用輕描勝翠黛爭看細抹留
切莫含顰效西子恐應蹙損倍添愁

音耶風雅卷之二
憶錢孝則兼寄左峙匡

遙知暑不到高臺舊向茅堂避暑來晴嶂出雲凭案立
晚禽棲竹待鐘催墅中鬪奕曾分局谿上行歌定幾回
深憶越巢招隱地賦成原讓左思才

同孫又申張吉如左峙匡訪注我園梅留飲限梅
字

籜碎因風掃砌苔犯寒爭綻一園梅窻中影向燈前亂
席上香從暗裏來防折戶教童子閉喜探尊爲故人開
孤山逸詠難追步對此吟情又被催

春雪送錢飲光先生歸江村兼和留別之作

依依送別柳條新冷面衝風凍幅巾豈是梁園乘暮雪
翻教下里和陽春羈留市井成孤客畢竟詞壇第一人
誰道方袍無處任田間大可著遺民

蜀客弟新婚

梅枝初亞向檐窺正傍粧臺索笈宜綉褥香溫寒不近
珠簾月度夜猶遲長卿自有求凰操秦女能爲引鳳吹
從此深閨同咏絮勸君刪却舊來詩

喜晤楊無諍先生白下

老困才名漫乞憐干霄筆勢尚依然見君似欲長爲客
交我何由不論年無術自酬黎棗富服丹人羨鬢鬚玄
且看白下驚心處柳外烏啼只暮烟

白門懷皖中應試諸子

音耶居牙卷之二
楊柳青青任別離尊前曾與約歸期翻悲獨客羈留久
正想諸君戰勝奇竹響只敲連雨夢花飛難寄送春詩
江南江北烟波迥一樣江城聽子規
喜報恩寺塔修成併建塔前大殿
長千古塔插雲中五色琉璃絢碧空不壞由來憑佛力
重修畢竟是神工然燈夜夜明如晝繫鐸層層靜有風
禮罷更瞻新寶殿莊嚴一代梵王宮

潘貽孫移居卽其家故宅

比舍皆居司馬孫百年門巷舊來尊又歸易主前人第
將築娛親大隱園燕賀應知巢不改鶯遷却喜樹還存
外家閤閤今隣並韋杜城南許再論

舊所居爲令舅氏得之兩宅比隣

可數
武

集姚東朗想山處酌蓮是日立秋

花砌深深暑退遲晚涼呼客醉花時碧翻珠顆盤陳露
白擁香房粉暈脂井畔初傳梧葉墮燈前莫認海棠垂
迎風欲綻明朝蕊虛遣先開第一枝

夜過石塘湖

遠岸烟昏多夕陽闌風偏促槳聲忙乍聞荻裏漁罾起
時覺衣邊荇帶香乘去使槎星可接過來野寺樹全藏
偶然寄宿還成夢月滿湖心一櫂涼

南昌喜遇孫豹人先生

當代詞壇重大名欣逢老筆更縱橫別來尚識荊州面

年少曾聞有道聲，歷盡山川成客況。談深故舊見交情，萍踪偶自章江合。還憶龍眠感慨生。

贈江磊齋二首

君才只合侍金門，百里那堪展士元。聖主屏風新重吏，名家床笏舊承恩。藜窺天祿聲先著，花擬河陽跡尚存。莫謂荒區遲報最，從來利器試盤根。

十年釋褐甫爲官，鄉近携家不道難。灑水冷然清且挹，匡廬深處秀能餐。娛親更學斑衣舞，友弟頻溫大被寒。誰似平原還愛客，也隨幕裏盡君懽。

贈德安姚小山明府

邑有葛洪山

匡廬峰畔領花城，葉染霜紅擁蓋迎。才借石渠勤吏事，

地非勾漏重仙名。披帷篆暖香初艷，入座琴餘韻獨清。五尺去天瞻瑣闥，鵷行爭聽雁行聲。

懷張吉如并寄吳賡虞

每尋仲蔚欵扉開，隴鳥先能報客來。窗外種蕉堪聽雨，竹邊移石愛生苔。耽遊肯廢探幽屐，斷飲曾呼賭醉盃。近與吳郎數晨夕，莫忘尺素共詩裁。

見燕子

垂楊新種待鶯啼，何意開軒燕到齊。社後春深穿暖徑，雨前晴穩試香泥。雕梁選定身方主，瀚海飛來影不迷。笑尔因人偏似拙，讓誰常傍上林栖。

蛟臺贈童期公

平遠縣蛟臺

身在塵中鶴立孤生平豪氣對君無青瑣自是傳經物
絳帳爭來問字徒閣上烟雲供筆墨宅邊泉石領江湖
相逢莫作悲歌態久已文章笑腐儒
與蜀客弟同抵瀼水復送之楚
扁舟十日共江干解纜其如解袂難為客笑予裘已敝
出門憐爾鈇初彈晨昏遠接嚴親夢菽水權貽大母歡
歲暮行蹤休久滯楚天愁聽雁聲寒

蜀客弟由楚返瀼雪中送之歸里

客程計日漢川頭曾約歸裝榻更留姜氏被從江上暖
謝家詩自雪中收修途未免投人刺儉橐難為卒歲謀
自顧旅懷猶送別一天寒色悵孤舟

懷龍眠二首

數椽蘭若嵌山隈猶記支公撥草萊

謂水鋤圃每因供

客饌讀書曾許傍經臺池邊雀去空留月

水上人座上

獅馴又吼雷

一名獅子社今為無鑿禪師駐錫

懸憶虎溪宗社主禪關

春到滿蒼苔

精舍

入山豈必絕山幽人境為廬亦可求曉霧深穿松徑濕

春風小憩橘亭秋書牀筆格閒情適鳥語花開野趣收

往往探梅緣分減至今常似憶羅浮

九峰山房

繡聞紹聞來省其兄因為堂上獻祝喜晤賦此

伯子居官唱和稀春帆來逆雁行飛幸留水署花分管
看奉霞觴綵映衣千里駕兼存梓臼三珠樹獨艷庭闈

前明風雅卷之十一
尊前且共西堂話聚首艱難莫易歸
才名直噪五雲邊世濟家聲總讓賢
鯉對又看烏府峻
雄文爭領雁行先
輸君與致當尊酒
視我鬚眉更少年
喜咏新詩饒紀勝
登臨應擬壯遊篇
李芥須夫子惠書并寄詩扇見懷次韻奉答
客心每繫故山邨
回首當年立雪門
弟子琴書行李滯
先生松菊草堂存
自憐王粲依殊土
敢擬侯芭受法言
拜牘還兼詩在袖
如從杖履話寒溫
返里喜左注我兄弟
連日招飲因箴我索題餘軒
卽席用壁間韻

佳名偏愛此軒居
事事難忘世澤餘
繩武意深披諫草
過庭悲往重遺書
徑通巷市喧能寂
惚借園林致不虛
有客初歸頻款戶
須知最近是吾廬
立春後二日同諸子訪胡彥三石門山居
早聞卜築近山邨
曾是先朝大隱園
居爲外曾祖大邑
參公讀書舊址
里尚存韋氏第
烟霞兼屬晉公孫
秋田負郭留餘頃
世業趨庭受雅言
大叅公著有
壁經雅言
幾度擬尋憐客
滯東風邀扣草堂門

九日對雨飲後閨齋與左注我箴我同賦
西齋九日苦蕭騷
積雨愁牽興不豪
佳節城中難免俗
今年屋裡當登高
藍田勝集堪懷杜
栗里閒情合擬陶

性僻猶能追往事風流畢竟屬吾曹縱差落帽全無髮
爭取題詩更用饒圖爲霜寒遲放菊蟹因潮長乏持螯
翻虛杖底曾携物且破牀頭未盡醪踈響只聞飛敗葉
乍涼微覺入單袍雁行似帶三江濕山濕應添萬壑濤
好待新晴還整屐徧揆秋色莫辭勞

無題四首

嬋娟爭現月中身清照盈盈絕點塵每向人前偷半面
不知窺著是何人

天然雙抹遠山橫映帶秋波分外明乍見迴身留顧盼
極深情處似無情

自惜如花只淡妝芳心不禁逐蜂狂秋容更與誰爭艷

斂笑無言對海棠

牡丹新樣學來梳却憶瓜含未破初從此白頭應有歎
當壚何不嫁相如

左國昌

字子永侍御三山公之仲子也爲夏子子周
異母兄弟友愛有加十歲隨侍御公宦閩南

強識博聞造語必嘔心血嘗覽邑志載譚孝子事
僅據虎守門一節爲驗喟然曰人性物性一也虎
守門已到盡物性地位非孝子而何十七補諸生
與同榜生吳德音式昭吳昌仍燕公齊繩祖念修
方里井公趙襄國以贊有六駿之稱侍御公按浙
子永偕兄弟僑居白門杜門謝客了不知爲貴家
兒乙酉避亂新安夢神人告曰左氏陽九當在汝
二親遂以小年夜禱于神願以身代年三十早卒
卒之先一日始爲父母言之其純孝如此予有事
茲選人列小傳不以文采先行誼其孤森以所撰
行略見示故爲
標舉其大者

夏彝仲陳臥子爲先王父序拾餘錄謂其倦切黨

禍稱爲知幾因憶往事感賦

刑餘呼父母靈帝畏稱兄堪憐陳竇輩身爲國事爭
熹廟得世父柱下稱錚錚抗疏李選侍移宮著直聲貂
璫皆神叢公卿學逢迎或有知幾者築室擬袁閎城狐
惟恐犯嵎虎莫敢撓世父獨仗劍仇者已欲烹檻車三
千里園門芝草生大父垂老別隕涕回神京膺滂竟碎
首天日慘不明白雀哀家園何殊大鳥鳴肘腋爲敵國
朝夕有人偵西亭與北寺十族且數驚所幸聖人出江
海見澄清日月有時矣諸公請易名偃毛遵突抗胥尚
賴奢成

登鷄籠山懷古

松檟何年老蕭梁臺殿灰寺隨弓鼎下門傍辟雍開仙
梵人烟出 高皇天仗來他時侍從者簪筆有鄒枚

過華嚴與普光藏之兩上人茶話晚歸遇雨

空堂鳴磬罷携我坐香臺二十年前願三千界裏回斜
穿雲樹沒遠指布帆開虎跡留山路深防去復來

孤城久困望援兵不至

戍樓三百雉終夜坐塵埃孤雁雲邊沒雙鷗城上哀鐵
衣空自冷玉帳未曾開日誦秦州句將軍伐鼓來

望碾玉峽

瀑布傳茲峽山陰興可乘落花沾路濕亂石倚崖崩欲
就農家問兼無樵子憑烟蘿徒隔望何日再來登

過別峰庵

緣坡穿竹樹又見梵王家院俯千峰秀門開一徑花茶
香爭穀雨飯熟煮胡麻暫覓蕉窻夢西林日已斜

霧冲

地僻無兵掠亭閒到客稀採桑都是女種竹盡名妃犢
子凌晨放鵝群傍晚歸何分蘭與蕙香氣出林微

晚宿鑪峰下

萬木叢篁裡茅齋朴正宜借陰編虎落補隙柵鷄時聽
曲隨風轉呼樽向日移問更憑鳥報促坐待晨炊

憩九峰

隔嶺尋蘭若高松隱翠微餉人炊薏苡供佛架薔薇去

去情難別行行願復違春陰遮薄日却恨雨催歸

雨歸越巢

霑濕衝泥至瓜棚當草亭一灘沙洗白夾岍柳搖青留
客看漁釣呼童載酒餅重遊如未厭到此亦須停

過祝聖寺送清隱上人之白門

遠公趺坐石床間客到門前未掩關荒寺雖嫌廛市近
孤雲常共鉢盂閒詩存古調無人和經在名山隨地頒

清隱有藏板分
散嘉善秀水

浦饌烟殘難挂錫滄江秋色上容顏

甲申秋避難新安道中

負笈擔簷敢憚遙餐風沐雨自朝朝逢來豪客誰憐李
逃去奚奴不愛蕭時被盜僕
有去者夾路但聞啼虎豹巢林何

處寄鷓鴣莫言避禍全無策尚有吳門乞食簫
山齋讀書偶咏

磴引深林徑引苔平天小閣半峰開松宜閒聽時臨水
月稱高情一上臺鳥逐落花穿塢入僧從乞米破烟回
蕭條鎮日容疎放那見坡榛二仲來

夏日山居

灌木千章覆短墻山齋當夏傲羲皇窓臨翠壁全消暑
花落閒堦自有香愛納晚凉凭水榭喜聽鶯語坐風篁
敲詩淪茗渾無事一撥爐烟入夢鄉

同友人春遊

芳郊春到最堪憐偶共提壺二月天處處水流紅杏雨

家家人任綠楊烟輕衫廣袖看肩並紫燕黃鸝聽語圓
數載情懷今暢好從教春去任啼鴉

方

碩

字侯士李芥須之入室弟子也在芥須門下
時年方舞勺芥須嗜風雅設帳古塘偶吟春

郊花發候侯士輒續云山欄月明時芥須異之嗣
是丁作詩弱冠補邑諸生冠一軍試文傳海內凡
六入棘闈未及艾卒有五七律
數卷無古詩亦許渾之流亞也

遲芥須李夫子不至即步原韻

何處談心好還期欲報庵納凉依大樹煮茗汲深潭孤
月窓間靜清風夢裏酣幾番望不至兀坐白蓮龕

盛孝寬招集古塘得花字

已悲秋瑟瑟又觀日暉暉歲歉龍常蟄霜遲蟹不肥幽
花歛亂草墜葉響空闌季子茱萸酒酣時挿菊歸

砧聲

搗衣日日事著意是深秋寒入三更夢風添萬里愁紫
貂裘不遍黃菊酒難郵惟有閨中力聲聲寄隴頭

北堂初度得筵字

慈親年過六諸子揔茫然鷄遜茅容割熊慚仲郢賢萱
花開處處莫莢紀年年喜進今宵酒盤蔬當綺筵

山中雜興

一逕夾山水千家靜日暉誅茅緣補漏摘果爲防饑甜
釀經秋蜜寒縫隔歲衣趁晴燒栗炭不待六花飛

曉發

夜漏聽纔歇晨征路已東雖然迎面日不敵打頭風人

亂黃塵裡鴉呼墨樹中今朝何事早納粟到衰翁

官埠橋

一路經行處楸梧與薜蘿山深牛跡少沙澗雁痕多人
盡愁霜重橋還帶雨過冷烟茅店裡沽酒聽漁歌

峽山村舍

寒村山作幃小院草爲樓喚犬緣防虎關驢正傍牛香
然諸佛面霜冷五更頭未曙呼炊飯燈花落敝裘

諸父宗玉饋魚

吾伯生平儉烹鮮月幾回忽馳小力至言送活魚來百
里塘皆涸三星罾可哀有肴翻覓酒不盡是隣醅

雨中獨酌示內

飯減羞然火囊空近典錢自知惟汝苦相對竟誰憐煖
酒纔知釀烹魚未買鮮今宵霧氣重衾薄可裝綿

送戴蜀客入蜀

錦江江畔錦官城萊子斑衣事遠征路入蠶叢隨馬首
人過鼻道聽猿聲望雲劍閣憐先王看月琴臺憶長卿
從此趨庭饒笑詠草堂應亦有詩名

次張澡青太史韻呈四松伯兄

早歲雙推白鹿車鹿門偕隱復何如宦情冷似飛霜日
賓敬莊於解綬餘擲地吟成摩詰畫臨池寫得右軍書
傍人莫問東山事一枕羲皇舊草廬

重九後三日集飲潘貽孫畏築步還山兄韻

踈籬猶帶兩三花門逕參差路不遐鮮鯽鱸嘗三白酒
雕胡飯煮六安茶已從空際看孤雁懶向高林數暮鴉
好月入簾休秉燭知君詩思正無涯

送潘渭臣歸白下

天門遙接石城霞萊子思歸夢裡賒故國是家翻作客
他鄉爲客更成家蘆花朵朵迎人揖雁陣蕭蕭背日斜
此去秣陵堂上問季方合卺正年華

不寐

露下銀河月欲西幾回側聽雁聲低數莖白髮歎寒枕
一盞青燈傍小奚人爲乍貧眠卽覺兒因失乳臥還啼
從前多少邯鄲夢徹夜醒然聽曉鷄

為潘連城催妝詩

兩朝伉儷結層層權買秋江賦迨水外祖家元前宰相
曾王父是大中丞龍乘至後陽初復鸞噦弦時月正升
從此門闌增氣色竹松長繞百花藤

謁先大人攢室

呼兒策蹇意如何泥著青松咏蓼莪臘雪尚堆三尺許
春風又是一年過酒纔澆後悲猿鶴燈欲殘時冷薜蘿
惟有山僧常作伴白雲深處梵音多

對雪

飄揚無定亦無瑕帶雨隨風整復斜已似謝庭飄柳絮
更同庾嶺落梅花浮空不解貂裘冷颺影還添鶴鬢嗟
鸚鵡對看如有意飛來飛去噪窻紗

山中齋得天字

小霽輕寒二月天山僧招我入龍眠團瓢燕語初來澁
隔浦鶯聲取次圓有女尋釵紅杏裡何人吹篴綠楊邊
此時歛憶柴桑客但撫清琴不問絃

山中阻雨再得天字

春禽嘹唳曉寒天早起披衣坐一氈卯酒自斟壺易竭
午茶僧瀹火頻然將歸忽失漫山樹側聽微澌古澗泉
昨日晴光今日雨落花片片北窻前

挽四松先生

黃金纔盡故交疎不愛烟霞駕遠車豈有鳩人羊叔子

前題 屈雅卷之二十六
可憐貴客馬相如遊裝輕似扶筇日長嘆多於彈鋏餘
已矣先生西去後篋中贏得數行書

境主廟

名園收拾種橙篁別構三間主簿堂歇馬聽來松樹韻
開樽嘗得菊花香閒看獵火燒山逕醉把漁竿釣夕陽
一路樵歌天欲暮北風吹冷舊衣裳

峽山歸途

峽山山路遠微微久客思家起鳥飛雁宿平湖都是凍
鷗呼老樹半因饑一園朱橘霜封瓦十里青松露滴衣
如此隆冬閒不得衝泥鞭馬霧中歸

抵家

霜風吹老客中顏十日江城去復還倦極惟愁前路永
貧來那得此身閒金從盡後纔知寶鬢到皤時漸少斑
賴有一尊能撥悶呼兒煖著不須慳

長至

欲買青山寄此身尚憐兒女未成人囊空祇覺連年老
衾薄翻愁午夜貧幾點疎鐘敲令節一番征雁度寒津
水仙箇箇斃盆裡蚤孕香風到隱淪

姚文奩

字夏侯樞部戊生公之第八子也順治中補諸生與諸昆切磨問學才藻爛發兄司寇龍

懷公甚器待之屢見賞于文衡年二十餘與同母兄介侯後先卽世語云叢蘭欲茂秋風敗之君兄弟之謂矣所著有瑞隱草

頌嘉卽事

平蕪舒早望芳草綠萋萋雲斂山光出禽來樹影低上
林詩自勝花萼景難稽漸覺幽居好溪邊杖可携

無酒

山深春氣淺無酒覺寒多竹暗燈光透溪喧梵響和客
愁雙劍倚雁陣一聲過恍惚窓間月依稀在薜蘿

贈歸客

年來生計尚如蓬旅客蕭蕭歎路窮雁字數行秋葉老
霜華幾點嶺梅紅帆過江寺聞清梵權返家園藉好風
把袂臨岐頻有約春樽還待故人同

夕眺

望中野色變衰顏雨後風光天水間一片青苔封古石

幾行疎樹點空山僧歸柳逕初傳磬秋入綿衣欲掩關

暫倚草亭因待月肯教夕照負人還

錢灑祖

字孝則西頰先生之長子也南渡時西頰避

女赴水死作兩絕句初孝則衣帶中有願作吳江
一段波之語孝則每為人泣述之西頰理閩之延
平孝則親執家苦糲食敝衣能自得師博通經史
文譽蒸蒸起一夜盜入室執孝則拷掠楚毒以衛
後母故被害時守令懼禍謫相率諱盜盜逸去無
一獲者反証以他故海內士大夫聞者莫不寃之

雙鳥作

雙鳥從南來各飛天一方相去萬餘里日夕永相望九
月號北風所嗟道路長同行天南隅忽復參與商故人
在遠途有意不得將奄忽浮雲去中心悽以傷良朋難
邁會况茲戎馬塲握手一揮淚仰視雁北翔願分雙羽

龍形卷之二
翼與君還故鄉

老梅行

老梅峯律如鬼立當軒對我森列戟
三更殘月西山頭
倒影虬龍走絕壁霜皮慘裂三千尺
突兀猶爲人愛惜
不事芳菲爭特奇歲寒豈異松與栢
憶昔策杖羅浮東
千株萬株相映紅東風一夜吹花落
回首曲江春正濃
唱詩酌酒興何極冰姿玉態長相憶
漢宮常恨草離離
此樹不改先人植已抽碧條弄新姿
故著寒花綴春色
可憐枯槁老江濱孤芳肯媿桃李春
物情代謝亦常理
甘拙或爲時俗嗔朔風颼颼鴻雁大
山木調刁聲相和
天寒歲暮落日微鳥啄雀翻山雪墮
吁嗟乎老梅開花
花不芳陰崖骨立傲風霜與爾日夕永相望

放舟

最苦灘聲急乘危任短篷
新寒綠小雨古木自淒風
鄉國千山外生涯五嶺中
何時長挂席流向大江東
過抱蜀有懷左三扶于左四壯于
一徑到茅屋秋陰自可憐
穴檐廳撲面空檻筍行邊
貧佃誰輸課荒畦少納錢
也知逢儉歲虛忍負龍眠

夜坐

茅齋好寂寞獨坐萬山空
一犬踈鐘外孤燈細雨中
身輕新脫絮樹老夜生風
無意發清磬何人夢許同
清明將遊九龍先一日東何氏兄弟

龍眼風雅卷之二
遙憶登臨勝追陪無計過鶯吭圓正好江練白如何展
齒疎苔蘚琴心在薜蘿二難應有待絕頂漫高歌

喜藏野師携琴見訪

破衲千峰老携琴問隱淪知音今日少絕調百年新借
此談宗旨偏能洽野人清宵一曲後孤月亦傷神

山居

巖風片片雁南征山川蕭蕭客愁生秋來秋去那堪說
野花野鳥難爲情天涯滄桑幾更改中原豺虎何縱橫
日暮長叫歸未得牽衣下淚如盆傾

宿昭平

沙村漠漠雲欲歸落日黃昏山樹稀獨宿蕪城玩明月

誰家砧杵鳴征衣鴻雁哀叫不知絕秋風飄葉與俱飛
徒傷流蕩灘江裏避亂相將覓釣磯

贈牛山道師

大隱先生合數君浮名塵世總銷閒尋藥草經霜後
細寫方書到夜分長物蕭然琴作侶孤懷聊爾鶴爲群
滿窓黃葉紛搖落秋思應知在白雲

過白鵲山房有感

銘旌吹雨厝山阿此日樓頭客少過泉路可憐癡阿叔
繩床誰復病維摩賣供官稅田園盡散落鄰家書籍多
滿壁銀鈎渾漫滅吞聲猶是昔詩歌

湖上打魚偶成

曾笏鱗鱗集水涯支分漁子弟兄偕江村晚歲魚爲米
官稅連年戶有差霜鬣困泥看撥刺雪刀砍鱸勅安排
舊醅况有床頭甕折東呼朋到小齋

過舍弟聖岐

三徑無人白板扉杖藜相訪在斜暉雨淋老屋苔花遍
霜打疎林柿葉稀鄰母賢能供雀乳傭工閒與綻鶉衣
糟床見壓新篘酒更欲飛觴醉我歸

贈陳山人

青鳥秘笈幾人俱驢背相逢憶得無爲遍江南
獨歸雲岳杖藜孤生金不掘緣知足靈藥能成早驗鬚
祇要如君各一藝世間何處有窮途

雪霽喜何三水令見過留宿不果

凍雀喧晴不定棲故人初過灤溪西水邨潮落居相接
沙岸泥淤屐自携魯酒賒嘗鄰店缺胡麻炊熟舍烟低
寒窻準擬燒高燭歸去徒教夜夢迷

初秋壽胡君渥父執六十初度

市朝遷去避江村舊是先皇公主孫好客共知傾白下
非時端合隱青門盤空野鶴秋前健列案蒼山雨後尊
我有老親新卜宅柴桑應可伴晨昏

方于宣

字遂高郡司馬還青公之仲子也順治初諸生就嗜圖史賈志早喪孤曾祜哀其遺稿還

山

青題之曰仲兒宿草十七年矣見此卷如嚮者携詩百質時老夫不覺泫泫淚下雖然有子能集此

詩與其蕙綢詩並表章以質之當世吾兒不死矣

山夜聞鐘

山夜群音寂翠微鐘忽鳴聽從空處起覺在到時生虛
谷答清響涼風度遠聲敲殘孤雀夢千嶂月初晴

水底梅影

梅似鏡中見清香帶濕來有春花自發無底樹難栽水
面蜂聲亂池頭鶴夢迴游魚咬荇藻一過一疑猜

登樓賦得舊苑荒臺楊柳新

一上迷樓感昔時駐春歌袖竟何之應憐廢帝荒臺苑
不似依人新柳枝芳草銷魂含翠黛香塵撲面損胭脂
扶筇一憩斜陽下憑弔那堪涕淚垂

九日侍大人暨兄子山弟幼安子將遊龍眠

曲曲清溪疊翠紋孤村樵唱隔林聞黃花折去詩應老
綠蟻浮來容易醺麴鼠徑存千岫竹虬松枝拂半山雲
茱萸共插登高處行盡荒郊有雁群

附姚氏鳳儀

樞部戊生公之長女諸生方于宣之妻也所著有蕙綢閣詩集其伯母清芬閣

節婦叙之曰吾姪女幼而敏慧隨宦淑水輒傲謝庭韻事適吾宗遂高益覃心風雅生一子二女不幸遂高早世女年甫廿一其境愈苦其節愈堅其詩亦愈工不意癸卯冬又棄我而逝傳其詩正所以傳其節耳嗚呼清芬氏之言如此予錄遂高夫婦之詩既采四松之題辭又掇清芬之弁語毋亦以家庭之言為信而有徵也與

題定遠徐貞女卷

青青松與柏結幹傲秋霜孤雁不成偶哀鳴何可當我
聞徐氏女未嫁守孤孀十七方妙年寂寞居空房嗟哉

黃鵠歌誰爲雙鶯鴛夜夜聞烏啼淚濕羅衣裳隨母盡
子道奉事如姑嫜在苒五十年中道失高堂四顧無依
倚哀哀空斷腸詩書教兩弟努力攻縹緗阿弟稱雙珠
聲名騰四方行將膺寵錫姓名達君王女子有此節家
門豈尋常皎皎徐貞女千秋彤管光

丁酉仲秋曾祜十歲初度予歡甚回思夫子去世
兒在襁抱中撫稚之難有誰憐惻諄諄示汝讀
書成名不負孀母之艱辛偶成一章用誌勉策
有子有子名曾祜歲纔踰周已失怙襁抱之時多疾患
輟寢忘餐倍茶苦卜居截髮敢言貧侍側時教中規矩
笑笑弱質掌上看阿母百事盡艱難天寒視衣饑視食

飲冰茹檠耐霜寒今汝十齡喜及肩凝眸待著祖生鞭
新秋雙桂當筵吐祈爾繩繩望爾賢

園亭納涼

園林無暑到亭敞日偏長水潤侵衣濕風輕拂座涼修
篁聲戛戛古柏色蒼蒼小憩凭欄久悠然茗椀香

初月

新月如弓曲含輝渾著霜微微臨小檻宛宛過前廊桂
魄搖初影銀河漾淡光移時雖漸落流照亦何長

哭母

淚灑蒲觴後俄驚一載餘長眠人不覺薄命女如初總
帳秋風冷朱樓夜月虛歸寧當此日禮拜倍欷歔

送大妹和仲之江寧

尚記歸寧日庭前款語時看花同把袂咏絮各成詩
忽望雲山杳休嗟雁鯉遲有家須自立聽爾夢熊羆

夢中與亾四嫂話舊有感

深山風慘慄念爾淚雙垂渺渺魂何適悠悠花自悲
苔堦無履跡繡閣網蛛絲空作相逢夢殷勤似往時

孤鴻曲

夜靜虫吟寂開簾見爾飛數聲和漏永隻影共星稀
塞外霜風勁天邊列宿微可憐同此恨輾轉淚霑衣

上元前一日喜八弟夏侯自山中歸

春光宜筆硯勉力趁芳辰鳥語紛相伴濤聲響作隣
野

梅隨路放幽草逐溪新明日傳柑節君歸慰老親

秋月

夜半堦前似有霜閒看秋色轉蒼茫金波宛宛臨朱戶
玉樹依依上畫堂露濕青苔侵砌潤風吹黃菊滿籬香
清光偏照羅幃冷倚徧欄干子夜長

咏辛夷花步夫子韻

點綴春光小院中開時還倩落梅風流鶯學語穿花杪
戲蝶尋香繞樹叢日照瓊枝光燦爛雲連玉葉影朦朧
窻前徙倚閒無事羨爾冰肌映碧空

春雨

柴門深閉少逢迎濁酒相留弟與兄巢結空梁多乳燕

枝搖野樹有流鶯風來天澗山猶暗春老雲昏月未明
掃石攤書堪坐久淒淒夜雨作溪聲

喜接家報

閒來獨坐正沉吟忽得家書果萬金讀罷離騷愁夜短
歌殘別賦怨春深老親百里傳安堵幼弟千山寄好音
細向雨窻看轉劇懷人兩地亦同心

懷大人

匹馬饑驅何所之經年未有日歸期孤燈獨咏長相憶
兩地同歌遠別離旅客正愁聞信少飛鴻猶恨寄書遲
江南江北多來往消息如今摠不知

九日憶夫子

去年令節君同去今日登臨我斷腸野色宜人添悵望
秋山如畫摠淒涼征鴻塞外全無信叢菊籬邊初有香
和淚題詩君不見千峰忽忽又斜陽

春日遣懷

空階小樹漸垂陰旭日初融嵐氣侵半捲珠簾人寂寂
斜薰寶篆晝沉沉三眠楊柳舒新翠百轉流鶯報好音
春到更添愁與病憑欄不覺淚盈襟

讀望雲集贈孫夫人並步見贈原韻

林下風流鄴下才珊瑚架筆傍粧臺應知漢史君能續
更見迴文手自裁佩得薜蘿和露種夢回萱草望雲來
慚予茹檠無情緒詩思還因錦字開

春日寄訊大妹和仲

離群長憶對嬋娟寄爾遙函望早旋梅信好傳芳意去
柳條偏惹別情牽霜鴻天外飛成字春鳥枝頭韻似絃
可記辛夷花下坐持杯嚦嚦聽啼鵲

十一月廿七日偶夢夫子自外歸病容枯槁口叙

生計之艱予一一應對猶如在日既醒而淚痕

漬枕但聞簷前風雨聲而已

遭家多難敢憂貧蕩析紛如亦苦辛投畝未曾餽弱子
寄棲一似作羈人病容憔悴艱參朮生計蕭條貫米薪
夢裏逢君頻對泣醒來風雨尚霑巾

予作夢夫子詩蒙大人及諸兄弟贈句再賦

隻影多年累老親示予新句慰艱辛每逢夜績分隣火

幾斷晨炊待市薪書積紫微堪共讀吟成黃鵠豈傷貧

二兄詩中云慈大人
臨訣時慮予貧苦 泉臺縱憶孤孀女呼籲誰憐薄命

人

上元前二日祐兒讀書二兄竹筴軒作此勉之

王正淑氣正新鮮好鳥關關韻似絃柳意知春條漸綠

梅花向暖色偏妍螢窻燈火休虛夜鵬路風雲定有年

莫道一貧無長物青箱舊業有家傳

麥花

穗吐千枝亂苞傾一半斜風微生細浪雨重落輕花

河邊新柳

音耶屈雅卷之三
青青柳色拂河濱千縷長條日日新輕掠波紋浮水面
風來亂挽釣魚人

夫子初度哭之

颯颯西風起暮烟空嗟薄命怨蒼天當年此日君招客
今夕招君影不旋

春日吟

散步凭欄春意遲風搖嫩綠影參差辛夷開盡薔薇放
留得芳菲待我題

春懷

布簾深下怯春寒偶見飛花帶雨殘傳語東風莫吹盡
猶留幾片待人看

吳兆武

字汝繩中翰澹齋公之子生而韶令績學精勤早卒妻姚氏卽蕙綱閨之妹亦以苦節聞

題扇頭諸葛菜

武侯手植原非此種落人間浪得名繪向齊統猶有致
采花能不共留情

吳昌猷

字闓圃父差強公家席全盛構別業白雲崑亭亭榭花木詩酒聲伎之奉者二十年迨闓圃家中落非復秦川貴公子之舊矣絳帷油幕心織而筆耕猶師承其風範名噪菰林徐子羽先每爲予亟稱之茲集將竣張子芸圃復爲予誦其佳句因接得之吳典諸子所嘗鼎一臠可知全味已

郭外

過橋還過坂初日著衣溫一夜添溪溜千山淨雪痕草
深微有路屋破不成村對此青青柳何人獨斷魂

春雨

小霽耽閒步青郊尚踏泥麥肥鬚見早豆冷甲舒遲綠
酒初殘後黃鸝未語時春遊惆悵晚烟裡又如絲

江上逢陸質夫還吳

年深夢亦未頻通萬里來如兩世逢綠鬢塚拋荒磧外
白頭人出亂軍中吳門舊業桑陰在遼海還家藥技工
送不肯行留不住青山江上泣殘紅

客中憶姚駕侯入閩

郭北離歌咽暮鴻滿天黃葉舞秋風難辭雨雪千山外
却憶烟波一櫂中梨嶺深陰榕樹碧甌城荒鎖荔枝紅
相思最是蕭蕭夜酒醒鴉啼水驛空

贈徐羽先

謝絕塵緣好放歌非僧非俗戀烟蘿偶然句就都焚硯
隨意書成不換鵝蒼骨健于年少倍高名賢勝子孫多
山山水水常相左幾度臨風喚奈何

寄大人

秣馬寒郊雪滿林東風思入鯉庭深青山幾處歸藤杖
白髮經年上竹簪善飯不嗔蔬水養逃禪宜淡水雲心
燈前能否蠅頭字少向花間費苦吟

散兵

軍容想像舊苔痕故壘蕭條月易昏一自健兒鴉散後
至今殘破不成村

除夕言懷

不用爲文薦歲除
隨天留棄寄枯魚
窮愁料必都如我
忍向誰家送柳車

丁舟嘯

字玉及彼雲之子也彼雲閩兒子詩喜示云吾兒學步時騰踔過乃翁經營頗慘淡穆然

成歌風嘗省其父于章江歸里甫踰年而卒年猶未逮三十也彼雲爲按其掃烟樓遺詩刊而序之曰吾兒生六歲卽能拈平上四聲十歲後能成短章今其存者皆予客豫章後所作風流藻麗在錢劉溫李之間嗚呼合彼雲之詩與序觀之玉折蘭摧可傷者不獨詩矣彼雲豈譽兒者哉

三月十日蔣蕙畝過訪同周男玉分韻得春字

垂楊飛絮草如茵
松徑陰陰到故人
滿院鶯花消濁酒
一天烟雨洗殘春
風流詩思生銀燭
邂逅談鋒訝比隣
樹色山光真似畫
儘堪連榻臥經旬

冬日洲行

梅花含蕊雪初晴
一騎衝寒傍晚行
落日沙前迴雁冷
孤雲天外挾風鳴
沿江白水堅成渡
斷岸黃蘆折有聲
遙憶青瑣當改歲
敝裘霜夜不勝情

七夕

纜隔銀河路不迂
今宵烏鵲復何須
人間多少天涯路
得借橋邊一渡無

古梅

野竹懸崖水一涯
虬枝古幹老烟霞
山中竟日無人到
莫向春風浪著花

春望有感

柳暗花明燕語時
春風極日向天涯
堤邊多少相思樹

不獨垂楊管別離

姚士塗

字嵩肇楚雄守吧懷公之第三子生數歲即酷好書籍十歲許從父官漢南日誦唐人詩

岳陽洞庭之間多有題咏迨父致官歸距城邑數舍買郭北近地為園嘯歌其中病且亟猶徒几榻往焉日有詩家人或戒之曰舍是病轉劇盍聽吾以生乎歿後詩多散佚友人江子在涓梓之漢溪而屬戴子韓五江子少文刪定成帙日如舫齋詩存凡百有十首

秋懷

素月破寒烟對之不成寢昔照桃花肥今照菊花冷擲人歲月去四海志未騁斂翼待春風翱翔摩蒼冥今日有佳色披衣且再飲高歌燈和予舉杯神勸影悠悠一醉足興盡復就枕

采蓮曲

采蓮女兒新妝靚葉嶼花潭飛小艇雲中齊唱采蓮歌沙堤風吹鴛鴦醒碧浪輕翻蓮葉裙翠眉愁鎖蓮花粉桂棹齊搖玉腕酸蘭橈斜逗金楊靜困頓愁添千萬縷夕陽山外送微暑夫婿年年愛遠遊花下朝朝淚如雨思如藕絲長心似蓮心苦紅枝眠蛺蝶綠葉翻鸚鵡更憐雙蒂花低頭向人語噴香衣袖濕含色煙霞碧萬頃離懷千頃愁折花歸去蓮洲寂

不寐

不寐匡牀冷寒帷且放歌一天明月在半夜客愁多溪響連霄漢虫聲挂薜蘿夢來驚復醒試聽幾更過

過方晏閣

數日總無事思君過薛門草深微有徑樹靜渾如村留
飯瓜親摘呼樽詩共論小窓新雨好歸屐破苔痕

探晏閣病

卧病門常閉相過省送迎竹間多藥氣枕上有詩聲影
共梅花瘦神同夜月清應須憑靜攝莫遣俗塵生

上元日東晏閣

又是上元日春光到處增鳥銜梅落樹魚戲藻吹水賦
性亦何拙除詩無所能唯君是知己相約夜看燈

落花

百舌叫春去東風吹樹斜可憐一夜雨零落幾枝花點
點凝芳逕飛飛過別家餘香猶滿苑新葉蔭毵紗

雨中言懷

山外雨初歇含愁溪上行少年成隱士末世賤書生虛
谷雲千疊空林磬一聲豁然塵事絕山水解幽情

喜孫雨田見過

日來溪路濕喜有故人過相對貧如此經時病柰何萬
山爭送雨雙澗悄生波細草庭前坐飛煙滿薜蘿

遊畫溪二首

七月初涼堪探勝諸峰招我破氤氳登山十丈倚巉石
長嘯一聲驚野雲無限夕陽杯裏盡幾條秋水樹頭聞
老翁爲述前朝事溪上煙波籠畫裙

烽火頻仍三十年空將風景說從前笙歌聲斷猿常嘯

前集卷之二
臺榭基存鹿穩眠
鴈信到梅偏傲雪
春情歸柳尚含煙
淒涼倒覺荒殘好
留得山川本色全

招同學戴子韓五蜀客潘子貽孫左子注我箴我

江子繡聞少文吳子天况過村家見籬菊分韻

竹塢陰深野老莊
破籬菊綻一枝香
根留秋色雪中白
花帶冷雲梅下黃
苔點落英雞睡穩
簾搖踈影雁聲長
桃源依郭客人到
與客提壺問夕陽

到北園

爲問吾廬渡水來
柴門依舊白雲隈
半墻風積一秋葉
連日雨荒三逕苔
濕翠雲籠亭子小
新香石壓水仙開
從今不發江湖興
多覓梅花繞澗栽

嘉平廿四日

一年懷抱總難舒
今日春光到草廬
掃石看花新酒
敲門催債舊賒書
頻移歲月陰難惜
幸有詩篇興未除
兄弟承歡堪永夜
謝家蘭樹較何如

過陳大匡齋中看牡丹

踈踈楊柳覆雙門
林外鶯啼香滿園
春色一年三月好
花枝五代幾家存
影移蛺蝶夢還處
葉染芭蕉書破痕
嬌豔無情堦下立
最堪憐是月黃昏

吳

熹

字志和予從姑之子也父弼士與婦翁張如

修焉志和風神秀朗語輒驚人試文屢見賞于主
者病數月而歿厯兩女如三携之吳門不半載相
繼殤因貽書與予待志和第二姪生立爲後
弼士爲之首肯其庶足慰終節于萬一乎

山居招隱詩

野老殷勤問我名我生書劍一無成才踈懶作詩詞客
世亂偏宜山水情松下不衫兼不履石頭為枕亦為枰
子規何事聲聲泣徒向人間叫不平

殷

邦

字正萬自號江海游鴻所著有旅居粵遊諸草

山中即事

風暖梅開早山深月到遲隔墻頻有約釀熟酒香時

還青亭和還字韻

為愛池邊鷗鷺閒客來煑茗坐亭間笑談鎮日渾忘倦
不問客從何處還

吳席

字大夏予妹夫左賦之長子也總角精文選帖括之暇輒工推敲與兩弟肄業心遠亭互

相送難時取士額隘家貧視子矜如登天然蜀中簡謙居先生拔入黌舍士林傳為美談遊泮甫半載病瘵死親知莫不惜之吾甥詩予寓日頗多歿後檢篋衍不可得吾兒仁樹少與諸外兄講求聲律方甥乘時謂我日務滋于燈地酒闌時頗自誦其詩琅琅盈耳今摻之亦身有矣然不肯以屢筆誣吾兒也

早梅和友人韻

玉骨翻嗔雪到遲霜天初霽曉風吹為防春信來三徑
先冒寒威放一枝架上水仙纔著蕊墻邊萼綠尚含姿
知君歲歲催粧早不與隋堤柳闔眉

姚鼎季

字勒先少警悟家貧疆志問學以文苑知名能率其從祖休那先生之教與吳甥大夏皆

以寒素受知于簡謙居先生同入黌序好吟咏凡羈愁困悴無聊之感一寓諸詩于咏物尤工摻奇抉巧屬對精妍皆出人牙慧嘗讀書院之迎江寺時臬司韓一佟公駐節皖上其公子儼若各下士

音耳 屈子卷之二
也偶見勒先題壁上詩卽就寺訪之一見成僑
交後佟公開府虔州延入幕府將授以官因病謝
歸歸遂不起所著約齋遺稿散佚過半友人方子
有懷爲子稱美不置而戴子導及孫子皆公周子
式玉又廣爲蒐摭因采其
一二不使其湮沒無傳云

促織

孤鳴如絡繹節奏特分明虫羽憐微族瓜藤寄此生未能驚嬾婦翻覺助秋聲誰念無衣者因君一動情

蟬

遯跡藏深葉聲聞忽滿林飲雖承白露人亦愛清音勞鼓雙鳴翼全虛一片心年年秋樹底枵腹自長吟

和家叔陵陽署沼白蓮

香滿銀塘露正圓珠光千點上雕闌雪兒歌醉三夏酒

湘女波生六月寒色映蘆簾何處是神傳秋水許人看幽姿清絕誰同調庾嶺梅花楚澤蘭

水中雁字詩十五首

有引

賦詩行樂止堪卽事拈題咏物難工况復多篇
拘韵秋空征雁旣借字以相形水底驚鴻益憑
虛而無據湖光天影合成一片琉璃霜頰秋毫
搖落千行蝌蚪若論風檣陣馬何足喻其雄奇
極之水弩杯蛇未可方其巧幻空明淡蕩從何
著力尋求恍惚虛玄到底空勞指示雲邊或來
或往江間時有時無紅蓼沙頭翻令魚書落色
黃蘆澤畔頻看兔筆生花弟兄聯結于江湖毛

音耶屈雅卷之二
羽翱翔乎豐滿何須才八斗偏能奮臂青雲未
讀書五車自爾文驚白帝望影下征人之淚聞
聲斷婺婦之腸陣陣驚寒行行舞羽起孤忠干
雪塞沙漠傳書寄遐想于天涯衡陽斷影流民
集中澤肅肅于征歸妻迨泮水噫噫旭日秋懷
蘊結敢煩載筆以寫憂野水蒼茫肯許乘風而
破浪必具精工之筆乃不愧夫鴻譽高文似余
鈍拙之姿竟何有乎殘雲剝水研精竭慮思不
越乎尋常窮日終宵韵幸滿乎三十始悟少之
爲貴卽隻字片言畢竟揀金批玉翻悔多而無
取雖連篇累牘終成賸馥殘膏詩題久播于騷

壇和歌偶拈于氍席聊云備數敢曰誇多丙午

秋杪霜降日白苓小休氏漫識

澄澄秋水曉雲紅錦字飄來上下同應是江湖多鳥跡
翻疑文物讓鴻濛臨池翰墨誰操管學草龍蛇別樣工
何事霜天愁太劇向人無賴只書空
雲水迢迢隔幾重同羣異地恰相逢驚飛颭浪書偏誤
側陣凌波筆有鋒漫自飄零依四海分來文史足三冬
天南霜信多年斷影落衡陽第一峰
雲中嘒嘒影差池濃淡分明次第宜天本無心憑寫照
書從何處寄流離鷗盟未許窺文藻鴻序由來重羽儀
應有伊人堪問字行行都向大江湄

水天明淨似冰壺秋染霜毫一筆塗分布章程通鳥譯
全收江海入鴻圖影隨烏鵲歌三匝名讓鷓夷占五湖
幾度長征涇渭水聯翩還爲寫陰符
陣亂烟雲日已西波光飄渺字全迷沉霞影勒丹崖篆
封事書沾紫塞泥點水輕毫欺綵鷁乘風霜翻闕文犀
蓼花似火蘆如雪直把秋江作畫題
秋影涵空逐陣排六書繩墨未全乖事雖歷歷知誰指
聲喜噫噫本自啻行鎔亂時因浪起字磨滅處恨雲埋
江淮霜信無人問振翼臨流寫素懷
陣陣飛鳴去復回秋江尺素爲誰裁共驚澤國分符至
恰似波臣捧檄來鴻史何心沉漢水鸞文有意避秦灰

弋人底事煩矰繳消息冥冥莫浪猜

盈盈秋水喜來賓天外雲章認未真不是五湖招羽客
還應中澤咏流民圖成篆籀毫偏巧影落江峯句入神
自是鴻才多浪迹鳳池休道有絲綸

鷗鷺平分託水雲天涯辛苦敢離羣隨陽銜帛來南國
破陣臨池壓右軍漫道羽毛還異俗須知江漢本同文
瀟湘明月秋如洗奮翼爭書白練裙

水國烟雲動碧霄聯翩折簡向誰招當空一畫天心見
遼海千羣露布遙岐路斷行應賦別河梁疎影恰題橋
靈均憂思娥皇怨都向瀟湘筆底描

龍蛇飛動陣雲高羣闕鷹揚奮六韜遼海素書傳漢節

音見風雅卷之三
洞庭秋影寫離騷銜蘆原不須斑管集蓼驚看落綵毫
漫向江天誇羽翼人間文字本鴻毛

影搖蝌蚪落文河長短連行字轉多欲爲古今留翰墨
拚將毛羽託風波書來白水休烹鯉草就黃庭肯換鴉
底事勞勞飛不斷空中消息定如何

寥寥烟水曉雲清海國飛來不計程行刻鴻臚應序爵
江橫塢影看題名溪風析羽文旌動秋翰生花綵筆輕
書遍長空猶未了天涯何事太關情

兄弟詩篇比脊令江湖原不畏飄零龍文躍影休競綵
鳥篆成章本象形却寫秋思沉楚澤應書清怨弔湘靈
圖分禹貢居彭蠡字字看來山海經

秋江晴浪影深深羨爾鴻文自古今霄漢高飛憐羽翼
風霜奇字任浮沉憑空寫出青天意到處書傳白水心
莫道聲名流落久會看雲路有知音

白雁

嘹唳紛飛素羽輕獨披霜雪向南征想應遠去烏孫塞
疑是生來白帝城烟水蘆花何處影瀟湘明月只聞聲
當空摩出中郎字未必遺書屬子卿

枯樹二首

十載芳華事已休霜皮蒼幹冷荒丘藤蘿百尺空相附
苔蘚多時色尚留不惜疎陰微蔽日幸無落葉免悲秋
園林蕭瑟西風晚幾點寒鴉在上頭

音韻原雅卷之二
古木凋殘歲月深疎枝猶自繞鳴禽飄零剩有風霜骨
消瘦唯餘朽蠹心槁矣何堪勞剪伐蕭然原不礙山林
春來莫對鶯花泣費下焦桐本是琴

和五松侯明府鏡中牡丹

雕砌銀槃一樣紅露華掩映特玲瓏香生月窟客人到
春在壺天不易逢玉宇光涵花滿縣水輪影綴錦爲官
相看主客皆圖畫北海清尊未許空

燕子四首

合向烏衣老結隣高飛底事遠銜春都從座上憎泥落
誰對梁間愛語新異地獨憐容借廡棲身何必定依人
一年一度梨花雨牖戶綢繆亦苦辛

爲爾珠簾下不成香泥零落曉窓晴影隨掠水蜻蜓小
翅北穿花蛺蝶輕樓上清宵空有夢掌中妙舞舊知名
他時巢向春宮裏莫負窮簷飲啄情

隨處門庭有路通飛飛輕漾任西東泥從補後占陰雨
雛喜多時驗歲豐小翼綠沾芳草色舞筵紅蹴落花風
春來無限空閨恨都在雕梁細語中

銜得春光到草廬藥闌雙立午晴餘驚人飛去常迎面
帶雨歸來每濕書自是羽毛堪野宿翻從棟宇作巢居
避風豈必端門好應笑鷓鴣智不如

送別佟儼若之豫章

河橋高柳拂行旌海口江湖已漸平千里客裝容易束

十年官橐本來輕丈夫雖別原無淚我輩交游不為名
惟有隨風心一片送君直到豫章城

寄懷周梅墅先生洲居

簾戶蕭條靜掩關經年衰髻想尤斑寒憑燈火支清夜
晴喜江天出遠山尊酒貧猶貪客過才名老不放人閒
愁深積雨知多少病裏詩情可耐刪

張

字禹仲孝廉蔚菴公之仲子也性英敏絕倫落落有大志父歿年纔舞象母方夫人治家

嚴竑事之純孝躬操家秉見事明決兄弟四人獨不辭勞瘁以故內外雍肅視孝廉公存日有加焉暇則下帷別墅填唱箎和引泉種竹疊石蒔花以奉板輿舉業而外博覽墳素工詩古文詞游太學籍籍有聲與人交不侵然諾詩壇酒社雖復高談雄辨而溫和之氣盎然眉宇凡朋酒獻酬莫不樂有張仲子云年甫三十卒之前一夕自言為祖西禪師後身祖西者孝廉公所敬禮數十年之戒

僧也三生石上舊精魂古人豈欺我哉詩多闕音亮節主于蒼渾然不喜存稿輒多散佚其弟仲華從扇頭壁間摻得數十首子為錄而存之寸鬻片甲亦可知其風尚矣

新月

春色已云暮春月今始看年年月如此今年看獨難
雨六日日埋雲端一朝雲霧開花影移欄干皎皎
朝霜潔沉沉秋水寒蛾眉向人展對月眉休攢天地不
終晦豈惜青春殘

聞雁

夜寂忽聞雁不似秋來聲秋來春歸太時序良足驚誰
不思故鄉爾胡獨哀鳴鳴豈分哀樂聞者測其情惜哉
凌雲翻僕僕終平生

戴蜀客以松石見贈詩以答之

青松百尺參雲漢黛色霜皮鐵為幹白石玲瓏質更奇
疊嶂層巒飽人玩古人癖愛若奇珍或稱石丈或龍鱗
更喜千年不改色以之論交情倍真交情此日無管鮑
我與戴子敦古道蜀遊貽我松與石示我同心投我好
蒼翠欲滴石上浮恍如松下風颼颼又如畫工得意筆
筆墨精巧真銀鈎山川變幻胡至此松石之奇他莫比
靜置几上作曠觀錦江雲樹留眼底

秋日山中恭讀先大人懷克賢上人并悼祖西

禪師詩不禁痛哭賦示兩弟

憶管趨庭嘗稱述古塘溪處有幽築軍持說汰木樨香

帶月鐘聲來雪谷遠公梵行本精嚴蒲團趺坐儼天竺
蒼苔封處碧流斜空翠倒結青茅屋菴名三慧振天葩
人疑羣玉山頭宿借師行修為皈依誰是青原稱高足
烽烟起後走江南靈谷長松高突兀愛客不肯渡虎溪
長嘯何人同躑躅戶外梅花滿珠林挑燈咏雪慰幽獨
先君嘗與祖公靈谷看梅鹿苑花雨不飛來吁嗟宗風孰堪續相從
克賢上人住碧峰青氈
先君讀書于此

白氈有餘悲高懷猶寄管林麓剝竿倒却幾何年菁園
涕淚漬修竹揮毫念舊發長歌故人會面不再卜當時
龍象何崔嵬今朝相見倍局促靡蕪依舊蝶夢非雖有
父書不忍讀猶記管年吟咏時呼我夜坐燒銀燭月照

前賦風雅卷之二
屋梁天已秋嘆息別離如在目我今追維廿年前荒烟
無地尋曲盡幾回全盛幾蕭條不禁窮途發痛哭悵望
吞聲泣數行簾捲寒雲秋山綠天高日薄更凄其野樹
悲風吹落木

冬夜兀坐竹映月窓命酒獨賞欣然成詩

謝惠愛月無此君子歎癖好不在影滿窓明月竹影搖
個中佳趣誰能領吁嗟乎窓月竹影何地無之焉能兀
兀坐糜歲時河漢色娟娟琅玕響瑟瑟感茲搖落餘節
節當窓出當窓搖曳去復來焚香飽翫且銜杯杯中有
酒須盡醉眼前美景懷爲開陶窓面北納風好我窓面
東邀月早但使三冬常如此夕閒羲皇以上之人應絕

倒

夜坐

才拙動違時自憐還自疑孤燈愁影暗長夜喜眠遲歌
缺唾壺口尊消博浪椎打窓嫌落葉不住朔風吹

入山

茅屋白雲遮峰環路轉賒水聲春雪化池影野梅斜喔
喔鷄喧午青青麥放芽誰云兵甲滿絕不礙山家

庭前老少年

秋色已垂暮繁華特地開豈同脂粉艷未許蝶蜂來籬
畔驕黃菊窓前點碧苔青春人不愛合傍老人栽

和東田吳夫子夜雨見懷之作

前集卷之二
珍重雲箋寄高吟夜雨詩庭花紅已潤簷柳綠初垂舊
榻留晴閣新編想絳帷東田春課畢早訂入城期

會聖崑納涼

崑一名
隱賢

舊說隱賢處今當避暑時老僧閒入定遊客倦吟詩石
缺雲來補山深日到遲飄然有秋意直欲覓天池

栽菊

何必陶公宅東籬亦自開秋英他日勝春圃及時栽雨
後分根出鄰家乞種來意中香滿袖采采佐銜杯

方禾客以詩期遊披雪洞依韵答之

鐵騎橫郊不敢遊黃花蕭索負三秋松筠笑我門常鎖
山水邀人願未酬霜重楓應飛落葉雨餘溪定漲清流

與君試訂閒吟處載酒何妨信宿留

姚佩若庠若左注我箴我過飲秋樹堂看紅葉

霜催紫柏變丹楓點綴青山色盡紅瀑引客筇登石頂
秋隨峰影落杯中清泉能助茶香淡兼味還因市遠窮
爲約分題須剪燭林梢同看月朦朧

過友人故居

黃昏漠漠暮雲飛一過烏衣淚一揮苔跡尚餘求仲屐
書聲長歇董生幃棄襦有志人先去作賦招魂事總非
可惜手栽堦下竹空留蒼翠拂荆扉

酬姚庠若惠筆

彩毫携自上林回爲我輕將篋笥開錦繡忽從懷內擲

蓬蒿投向徑中來
右軍虛費臨池墨
司馬空慚作賦才
珍重芸窗花案上
捲簾香染一株梅

宿方子將四松山莊送伯兄之任
崇明學博限韵
青衿四章

冉冉春風逐澗阿
柴關初啟客同過
柳飛驛路催行色
雁落橫塘起別歌
千里壯遊開錦纜
一杯心事藉雲蘿
明知此後多離別
聚首其如牖下何

燈火連床陸氏阿
登臨何處不同過
幾回欲赴看松約
五夜翻增折柳歌
薄宦喜君膺紱冕
小山容我卧烟蘿
鴿原無限消魂處
鶴髮堂前更若何

郭外青山有卷阿
春來常奉板輿過
攤書略慰和丸志
捧檄應增陟岵歌
洱海瞻雲翻碧浪
清宵看月上藤蘿
知君不盡鄉關夢
離別人間可奈何

冰衙可當碩人阿
况復三吳次第過
夾岍花陰童貰酒
平沙鷗煖客徵歌
黃梅潮信連桃葉
帶草官閒接女蘿
屈指秋風知不遠
別時如此聚如何

春日姚天池招飲月臺

層臺面面接峰巒
醉裏春風不覺寒
解舞隔墻楊柳弱
初飄別苑杏花殘
晴雲輕捲開簾幙
乳燕低飛貼畫欄
贏得勞勞尋勝客
繁華都向座中看

任戴仁招飲西園同方譽子便過慈雲菴

綺席名園歇酒籌
笑歌濃處梵音幽
誰從世外尋佳趣

音耳 屋牙 卷之二
別有閒情狎野鷗佛火春風高座穩梅花溪水一灣流
歸途漫道斜陽迫深樹村烟望裏收

病中聞子規

緘關虛却艷陽天曉怯衣單未脫綿將落花從油幙護
欲歸春被鳥聲傳乍驚旅舍難成夢喚起深閨也廢眠
豈獨閒居憔悴者坐拋書帙恨啼鶉

聞鶯

戶外流雲壓樹生病中那復問陰晴幾時春到鶯先覺
百轉聲中意不平帶露肯緘垂柳舌飛紅應重落花情
由來俗耳堪鍼砭誰解雙柑載酒行

夜間作

夜色沉沉冷碧紗帷燈影射薄衾斜多情客夢如飛雨
無樣春愁共落花病卧圖書堆几席詩成池草隔天涯
愁腸不耐更聲急漏促東風起宿鴉

宮怨四首

隔苑西風動管絃欲從銀漢妬嬋娟承恩粉黛知誰好
帶露芙蓉獨自妍夜漏有聲催月落寒燈無語炤人眠
六宮姊妹多寥落若箇傷心莫浪傳

寂寞欄干對晚春朝來女伴過東隣爲憐同病看愁黛
縱托知音亦效顰薄命自甘清晝永宮粧競說逐時新
池邊試把朱顏照可是昭陽第一人

楊柳絲絲漾碧空年年花事負東風御溝水長沉新綠

音見屈牙卷之二
粧閣春深鎖落紅別苑閒過看闌草空堦獨咏送歸鴻
凭欄多少閒情緒消盡朝雲暮雨中

長門何處覓相如吟得新詞手自書紅燭籠紗愁不剪
香塵拂硯懶休除月中歌舞成烏有夢裏恩波托子虛
筆墨難將心事遣教人望斷七香車

口占答方子將

紅綃初著粉初施不似當年淡掃時寄語同心休問訊
笑儂臨鏡學趨時

並頭蘭

芙蓉本自擅風流誰解蘭花亦並頭恰是同心堪作佩
清芳應只傍妝樓

周孔叟

字漢舒號筠軒又稱東湖順治辛卯冒劉
姓補邑弟子員所著有偶然草五松遊草

尋菊伯純齋頭用王子兼原韻

寒花遶砌最清幽攜手閒過即勝遊錦句漫從知己索
綠尊還與細君謀久拚鎮日籬邊醉盡掃經年客裏愁
自是陶家風味好殷勤不負碧雲秋

周肯堂

字爾構一字希白號安貧梅山之從
子也著有蘭皋雜咏醉吟集宣愁詩

燕子

小步荒郊外參差燕子飛香泥霑翠袖紅雨滴烏衣欲
傍誰家去曾依故主非春巢應未穩零落舊柴扉

問雁次陳卧子先生韻

風靜夜潮平沙汀新雁鳴雲邊天外字腸斷月中聲漫

度烏孫塞應傷白帝城此時秋更慘斟酌向南征

度烏孫塞應傷白帝城
 此時秋更慘斟酌向南征
 玉子兼氣節
 同感
 辛
 草



